

BIBL.
ALB.

452

C

OD

b

23

五

二

CELESTINE and 15-30% of the total

UNIVERSITÄT DUISBURG-ESSEN, FAKULTÄT FÜR INGENIEURWISSENSCHAFTEN





230000 1522 2584


the first month

of the year

of the year







III 39

SYLVA
ANACHORETICA

ÆGYPTI
ET
PALÆSTINÆ.

Figuris æneis

ET
BREVIBVS VITARVM
ELOGIIS EXPRESSA.

ABRAHAMO BLOMMAERT
Inuentore.

BOETIO A BOLSVVERT
Sculptore.

ANTVERPIÆ,
Ex Typographiâ Henrici Aertssij.
Sumptibus Auctoris.

CIO. IDC. XIX.

1619

23


Hieronymus epist. i. ad Heliodorum
de laude Eremitae.

O DESERTVM
FLORIBVS CHRISTI VERNANS!

O SOLITVDO
IN QVA

ILLI NASCVNTVR LAPIDES
DE QVIBVS IN APOCALYPSI
CIVITAS MAGNI REGIS
EXTRVITVR!

O EREMITVS
FAMILIARIVS DEO
GAVDENS!



EX LIBRIS

UNIVERSITATIS
NOVIOMAGI

5.672.215



SIMILIS FACTVS SVM PEL-
LICANO SOLITVDINIS. *Psal. vi.*

Beluere

fecit.



ADMODVM REVERENDO
DOMINO
ANTONIO
DE WINGHE
LÆTIENSI
ORDINIS
S. BENEDICTI
ABBATI.

ADMODVM R.^{DE} DOMINE,



Ene cessit Eremitis
meis metatoria sua.
Recordantur etiam-
num quàm læto vul-
tu, quàm liberali ma-
nu eorum exceperis
exuuias, quàm hilari animo eorum di-
cta factaque notaris. Veniunt nunc
ipsi, & suâ se specie repræsentant; quin
& curtam supellectilem suam secum
a 3 defe-

deferunt, caucum, psiathium, ciliciū.
Formidolosus quidem antris hærent,
sed inde celerius cæli atria penetrant:
feminudi aëris iniurias excipiunt, sed
sat tecti sunt, qui sub Christi umbra
latitant: terræ velut insepulti hor-
rent, deprecatorias tamen ad cælum
lacrymas mittunt. Veniunt igitur ad
Te, humani generis legati. Non quæ-
renda illis loca lautia; suis ipsi antris,
suis tuguriis, suis lautumiis sunt con-
tenti. Ne labora de ferculis, inemptis
dapibus famem sedant, dactylis, ole-
ribus, lapsanis. Seu ruri seu in vrbe
sunt, OMNIA secum portant.

Effigies habes ab amica manu; quæ
ut gratiores essent, placuit amico bre-
uia è Vitis Patrum concinnare elo-
giâ. Quæ Auctorum ferè verbis dedit,
ne fucum faceret. Vale.

T. T.

IR. S. I.

HIERONYMVS

EPIST. I.

A D

HELIODORVM.

QUID agis frater in seculo, qui maior es mundo? quamdiu te tectorum umbra premunt? quamdiu fumosarum urbium carcer includit? Crede mihi, nescio quid plus lucis adspicio. Libet sarcinâ corporis abiectâ ad purum aetheris euolare fulgorem. Paupertatem times? sed beatos CHRISTVS pauperes appellat. Labore terreris? at nemo athleta sine sudore coronatur. De cibo cogitas? sed fides famem non timet. Super nudam metuis humum exesa ieiuniis membra collidere? sed Dominus tecum iacet. Squalidi capitis horret inculta casaries? sed caput tuum CHRISTVS est. Infinita eremi vastitas te terret? sed tu paradisum mente deambula. Quotiescumq; illuc cogitatione conscenderis, toties in eremo non eris. Scabra sine balneis attrahitur cutis? sed qui in CHRISTO semel lotus est, non illi necesse est iterum lauare. Et ut breuiter ad cuncta, audias Apostolum respondentem: Non sunt, inquit, condignæ passion-
Rom. 8.es huius sæculi ad superuenturam gloriam, quæ reuelabitur in nobis. Delicatus es, frater, si & hîc vis gaudere cum seculo, & postea regnare cum CHRISTO.

S. Basil. lib. de laude Vitæ Solitariæ.


V I T A
SOLITARIA

CÆLESTIS DOCTRINÆ
SCHOLA EST

DIVINARVM ARTIVM
DISCIPLINA.

ILLIC DEVS EST

T O T V M .
QVOD DISCITVR.



*Circaserunt in melioris, in passibus capientes, coentes, angustissimi,
afflicti, quibus dignus non erat mundus, in solitudinibus errant.
Ier., in montibus et speluncis, et in caernis terrae. Psal. 138, ii.*

Abt. Bloemaert Inuēt. Boëtius. A. Bolluerd. sculp. et excudit.

I E S V S

DVCTVS EST

I N

D E S E R T V M.

Ambros.
lib. 4. in
Luc. cap. 4.

Genes. 1.

Genes. 3.

Coloss. 3.

CONVENIT recordari, quemadmodum de paradiso in desertum Adam primus eiectus est, ut aduertat, quemadmodum de deserto ad paradysum Adam secundus reuerterit: vides enim, quemadmodum suis nodis praeiudicia resoluantur, & suis diuina beneficia vestigiis reformentur. Ex terra virgine Adam, CHRISTVS ex Virgine. Ille ad imaginem Dei factus, hic imago Dei. Ille omnibus irrationabilibus animalibus, hic omnibus animantibus antelatus. Per mulierem stultitia, per Virginem sapientia. Mors per arborem, vita per crucem. Ille spiritualium nudus, arboreis se texit exuviis: hic secularium nudus, corporis non desiderauit exuias. In deserto Adam, in deserto CHRISTVS. Sciebat enim uti posset inuenire dñatum, quem ad paradysum resolutio errore reuocaret. Sed quoniam secularibus indutus exuviis redire non poterat, nec paradysi incola potest esse nisi nudus à culpā; exuit veterem hominem, nouum induit: ut quia solui non queunt diuina decreta, persona magis quam sententia mutaretur. Sed qui in paradiso sine duce iter amisit acceptum, quemadmodum de deserto sine duce iter repetere posset amissum, ubi tentationes plurimae, nisus ad virtutem difficilis, lapsus facilis ad errorem. Plerus igitur IESVS spiritus agitur in desertum: consilio, ut diabolum prouocaret; nam nisi ille certasset, non mihi iste vicisset: mysterio, ut Adam illum de exilio liberaret: exemplo, ut ostenderet nobis diabolum ad meliora tendentibus inuidere, & tunc magis esse cauendum, ne mysterij gratiam deferat mentis infirmitas.



Ductus est IESVS in desertum.

S. IOANNES BAPTISTA.

Petrus Da-
mian. ferm.
1. de Nat.
S. Ioannis
Bapt.

Hierem. 1.

Math. 11.

Math. 3.

BEATVS iste puer, ad eremum spiritu ducente deductus:
est: nec obstitit etatis infirmitas, quam maiestas Domini
fecundabat. Spiritus enim sanctus non attendit differentiam
sexuum, fragilitatem corporum, temporum annositate; sed quem-
cumque, & quomodo vult, dignantissimam replet benignitate. Reli-
quit IOANNES mundum, homines fugit, nescit patriam, parentes
adspernat, & in solius diuinitatis apicem beata contemplationis
figit obtutus. Mira rerum conuersio, hominem vix mundum ingres-
sum, mundi sugere gloriam, & seculi cupiditates non solum obli-
uisci, sed & nescire, perpetuumque cum diuinitate stabilire confor-
tium. Recessus montium, siluarum anfractus, & vallium subter-
iacens vastitas, puero Patriarchae domicilia prabuerunt. Non oppo-
natur mihi Jeremias, nec praedicantis pueritiae virtus audeat ob-
uiare: Quia si ille consecratur in Prophetam, hic in plusquam Pro-
phetam: & licet ille populo futura praedicet, non tamen conuersatio-
nis humanae declinat adspectus. Sic, sic IOANNES etatis supergres-
sus infantiam, & nobilioris generis generositatem oblitus, soli va-
cat diuinitati: forma vitae, Monachorum propositum, Anachoreta-
rum principium, totius religionis assertio. Habebat vestimentum
de pilis camelorum, & zonam pelliceam circa lumbos eius:
esca autem eius erant locustae, & mel siluestre. Rigida vestis,
& durissimis hispiditatibus circumtexta, rigore squalerifero corpus af-
ficit Patriarchae, carnemque tenerrimam immatura districtio disci-
plinæ feritate coarctat, teneros artus & sacratione Spiritu superfu-
sos, continui quassat longitudo martyrii. Cibus autem eius qualis erat?
Non queruntur Phasides aues, nec per totam discurretur regionem,
vt Patriarchalis stomachus impleatur. Sed erat, inquit, esca eius
locustae, & mel siluestre. Coeli rore pascitur, & animalis vilissimi
satiatur edulio, nihilque coctum accipit ieiunantis austeritas.



2. S. Joannes Baptista.

x. Janu.

S. PAVLVS I. EREMITA.

Ex D.
Hieron.

SUB Decio & Valeriano persecutoribus, apud inferiorem Thebaïdam, cum sorore iam viro traditâ, post mortem amborum parentum, in hereditate locupleti PAVLVS relictus est, annorum circiter quindecim, litteris tã Græcis, quàm Egyptiacis apprimè eruditus, mansueti animi, Deum valdè amās. Et cùm persecutionis procella detonaret, in villam remotiorem & secretiorē secessit. Verùm sororis maritus cœpit prodere velle, quem celare debuerat. Quod vbi prudentissimus adolescens intellexit ad montium deserta confugiens, grandi speluncâ se conclusit, omnem ibidem in orationibus & solitudine ducens atatem. Cibus & vestimentum ei palma præbebat. Cùm iam centum tredecim annis beatus PAVLVS vitâ cœlestē in terris ageret, & nonagenarius in aliâ solitudine moraretur ANTONIVS, monetur hic diuinitus, vt ad visendū PAVLVVM properaret. Ad quem vbi peruenit, dum in mutuos miscentur complexus, propriis se salutauere nominibus. Coruum interim in ramo arboris consedissee vident. Qui inde leniter subuolans, integrum panem mirantibus attulit. Post cuius abscissum: Eia, inquit PAVLVS, Dominus nobis prædium misit, verè pius, verè misericors. LX. iam anni sunt, quod accipio dimidij semper panis fragmentū: verùm ad aduentum tuum, militibus suis Christus duplicauit annonam. Actis igitur Deo gratiis fonti assiderunt, Deoq; sacrificium laudis immolantes noctem transgère vigiliis. Cumq; iam esset terræ redditus dies, mortē suam PAVLVS prædicit, & ab ANTONIO palliū, quod illi Athanasius Ep. dederat, corpusculo suo obuoluēdo deposcit. Quod vbi deferre properat ANTONIVS, videt in reditu, inter Angelorum, Prophetarum, & Apostolorum choros PAVLVVM nixeo candore fulgentem in sublime conscendere. Vbi ad speluncâ eius venit, reperit genibus complicatis, erectâ ceruice, extensisq; manibus in altum corpus exanime. Quo obuoluto & prolato foras, hymnos, psalmosq; ex Christianâ traditione decantans, vidit leones duos certatim arenam egerentes, vnius hominis capacem locum effodere. Ille Sancti corporis onere seniles curuauit humeros; & deposito eo in fossam, desuper humum congregans, tumulum ex more composuit.



S. Paulus. primus Eremita.

S. A N T O N I V S.

Ex S. Atha-
nasio & E-
uagrio eius
interprete.
Matth. 19.

ANTONIVS Ægyptius, nobilibus religiosisque parentibus natus, cum ingressus Ecclesiam ex Euangelio audiuisset: Si vis perfectus esse, vade & vende omnia quæ habes & da pauperibus, & veni sequere me: & habebis thesaurum in cælo: veluti propter se hæc Scriptura esset recitata, ad se Dominicum traxit imperium: statimque regressus possessiones quas habebat vendidit, & aggregato non exiguo pretio indigentibus dedit, & cælestis vitæ genus in terris colere instituit. Virtutum tanto studio incensus fuit, ut quemcumque videret aliquâ virtutis laude excellentem, illum imitari studeret. Nulli igitur primas in virtutibus cedebat. Inedia autem & vigiliarum intantum patiens erat, ut incredulitatem viribus vinceret. Pernoctabat in oratione sæpissimè, edebat semel in die post solis occasum, nonnunquam biduo triduoque sic permanens, quartâ demum die reficiebatur. Sumebat verò panem & sal, potumque aquæ perparuum. Vestimento cilicino intrinsecus, desuper pelliceo vestiebatur. Quietem membra concedens, iunco contexto atque cilicio utebatur. Nonnunquam etiam super nudam humum iacebat. Cum talis tantusque Dei miles euasisset ANTONIVS, sanctissimum iuuenem hostis humani generis variis tentationibus aggreditur; quas fide, ieiunio, & oratione vincebat. Nec tamen frequens de satanâ triumphus securum reddebat ANTONIVM, qui diaboli innumerabiles nocendi artes nouerat. Itaque contulit se in vastissimam Ægypti solitudinem: ubi quotidie ad Christianam perfectionem proficiens, demones ita contempsit, ut illis exprobraret imbecillitatem. Sic autem demonibus erat formidolosus ut multi per Ægyptum ab illis agitati, inuocato nomine ANTONII liberarentur. Quintum & centesimum annum agens, cum innumerabiles sui instituti imitatores haberet, sanctitate & miraculis clarus migravit in cælum.



Sanctus Antonius.

4.

B

xxi. Octob.

5

S. HILARION.

Ex D. Hieronymo.

HILARION ortus viro Tabathâ in Palestinâ, cum haberet parentes idolis deditos, rosa (ut dicitur) de spinis floruit. A quibus missus Alexandriam, magni ingenij & morum documenta praeiuit. Audiens tunc celebre nomen ANTONII, incensus visendi eius studio, porrexit ad eremum: apud quem duobus mensibus omnem eius vitam rationem didicit. Domum reuersus mortuis parentibus, partem substantiae fratribus, partem pauperibus erogauit. Necdum quintum-decimum annum egressus, redijt in solitudinem: ubi extructâ exiguâ casâ, quae vix ipsum caperet, humi cubabat. Nec verò succum quo semel amictus est, vnquam aut lauit, aut mutauit; cum superuacaneum esse diceret, Munditias in cilicio quærere. In sanctarum litterarum lectione & meditatione multus erat. Pauca siccus & succum herbarum, nonnumquam hordeaceum panem ad victum adhibebat; nec illis ante solis occasum vescebatur. Cum diabolus pubescenti corpori insolita voluptatum incendia suggereret, iratus sibi, & pectus pugnis verberans, quasi cogitationes cade manus posset excludere: Ego te, inquit, aselle, faciam ut non calcitres; nec te hordeo-alam, sed paleis: fame te conficiam & siti, graui onerabo pondere, per æstus indagabo & frigora, ut cibum potius quam lasciuia cogites. Continentiâ & humilitate fuit incredibili. Quibus aliisque virtutibus varias horribilesque tentationes diaboli superauit, & innumerabiles demones, in multis orbis terrae partibus ex hominum corporibus eiecit. Qui octogesimum annum agens, multis adificatis monasteriis, & clariis miraculis, in morbum incidit: cuius vi cum extremo paenè spiritu confligaretur, dicebat: Egredere, quid times? egredere anima mea, quid dubitas? Septuaginta prope annis seruisti Christo, & mortem times? Quibus in verbis spiritum exhalauit.



Sanctus Hilariion.

5.

B 2

S. MALCHVS.

Ex D. Hieronymo.

MALCHVS Nisibeni agelli colonus, solus parentibus suis fuit. Quem cum quasi stirpem generis sui, & heredem familia ad nuptias cogerent, monachum potius se velle esse respondit. Nec patris curans minas, nec matris flexus blanditijs, domum & parentes fugit, pusillum quid portans viatici, quod eum ab inopiâ tantum defenderet. Vbi ad eremum Chalcidos venit, reperi- tis ibi monachis, eorum se magisterio tradidit, manuum labore victum queritans, lasciuiaque carnis refrenans ieiunijs. Inde cum post multos annos, inuito ac reclamante Abbate, vt matris viduitatem solaretur, rediret in patriam, ab Ismaëlitis capitur, & pas- cendis ouibus destinatur. Quod cum fideliter munus exequitur, conseruam suam alterius coniugem in uxorem ducere cogitur: qua- re ne maculetur connubio, seipsum occidere tentat; sed à mulie- re prohibetur, & castitatem in coniugio simulato seruat vterque. Post grande intervallum dum solus in eremo sedet, cœpit tacitus voluere, & inter multa, monachorum contubernia recordari, ma- ximeque vultus Patris, qui ipsum erudierat, tenuerat, perdiderat. Dum hæc cogitat, & formicarum industriam conspicit, tædet eum ca- ptiuitatis, & cœpit iterum monasterij cellulas querere, ac formicarum illarum sollicitudinem desiderare, vbi laboratur in medium; cumq; nihil cuiusquam proprium sit, omnium omnia sunt. Regresso ad cubile occurrit mulier, rogat cur ita exanimatus sit: Audit causam: hortatur ad fugam; non aspernatur. Petit silentium; illa fidem tribuit. Et pri- mo vespere inuadunt iter; hos dominus insequitur. Illi specum sub- eunt. quò dum tam herus quàm seruus penetrat, vterque à leena occiditur. Sublato itaque omnimetu, camelos domini con- scendunt, & decimâ tandem die ad Romana per desertum castra per- ueniunt. MALCHVS iungit se rursus Monachis, & illam tradidit virginibus, diligens eam vt sororem, non tamen ei se credens vt sorori.



6. *Sanctus Malchus.*

S. ONVPHRIVS.

Ex Paph-
nutio Ab-
bare.

ONVPHRIVS Ægyptius, cum esset in cœnobio in vrbe Her-
mopoli Thebarum, & audiret de Elia Propheta & Ioannis
præcursoris vitâ, de nocte surrexit, & egressus de monasterio
ab angelo custode deducitur ad eremum. Hic famem, sitim, frigus
& æstum patienter tulit. Cum seris conuersatus comedit iugiter herba-
rum fructus, in montibus & in speluncis & in vallibus suâ reclina-
uit miserabile corpus: alimenta corporalia spreuit, vt dignus acciperet
spiritalia. Sanctus enim Angelus quotidie panem illi offerebat, &
aquam pro mensurâ ministrabat, vt corpus non deficeret, & iugiter
in laude Dei perseveraret. Dactylorum quoque fructus per singulos
dies colligens pro pane sumpsit cum herbarum foliis. Omni die Do-
minico Angelum Domini paratum inuenit, de cuius manu sacrosan-
ctum corpus & sanguinem Domini nostri IESU CHRISTI religio-
sè acciperet. Tanta huic capillorum prolixitas erat, vt corpus illius
ipsorum diffusionem tegeretur. Pro vestimento quoque foliis herbisque
tectus, subteriora renum tantummodo cinxit. Iam septuaginta annis
in deserto laboriosè viuens, hominē omnino non vidit, & à Paphnu-
tio Dei monitu inuisitur: quibus inter se sermocinantibus de rebus
cœlestibus, sol in occasum vertitur. Surrexerunt ergo, & cum gratia-
rum actione de pane & aquâ modicâ pariter sumpserunt. ONVPHRIVS,
mane factō, de morte quæ sibi instaret admonēs Paphnutium, dixit:
Ne timeas, quoniam omnipotens Deus recto itinere in hanc solitudi-
nem direxit te, vt honorificè sepelias me, atq; corpus meum commen-
des terra. Post hæc surrexit, & ad Dominum lachrymans orauit, ge-
nua flexit atq; subitò dixit: In manus tuas, Deus, commendo
spiritum meum. Et his dictis moribundus luce cingitur, atque in
ipsius claritate luminis anima sancta carne soluta est, quam Angelicus
chorus festis cantibus excepit, & cœlo inuexit. Sacrum eius corpus in
sepulchro, quod excisum erat de petrâ, magnus Paphnutius sepeliuit.



Sanctus Onuphrius.

S. P A C H O M I V S.

Ex Diony-
sio Exiguo.

PA C H O M I V S inferiori ortus Thebaidâ, secundum ritum ac traditionem parentum gentilis, cum inter tirones in Constantini Imp. exercitu mereret, Christianorum charitate illectus, & diuinâ gratiâ gubernante, Christianus effectus est. Monasticam vitam sitiens, Palemonem Anachoretam adiit, cuius monita PACHOMIVS obedienter ac sollicitè suscipiens, totum se disciplinis atque diuinis institutionibus subiugavit. Humilitatis ac patientiæ munere, erga Deum proximumque purissimâ dilectione, præ multis nitebatur excellere. Cum diuinâ Scripturas legeret, non id passim negligenterque faciebat, sed solerter examinans ac piâ mente pertractans, studebat indies opere perficere, quæ memoriâ retinebat. Ad humiliandum corpus proprium induebat se plerumque cilicio. Per annos quindecim, post illos ingentes sudores atque labores eximios vigiliarum & abstinentiæ, non iacens somnum capiebat noctibus, sed in medio cellulae suæ residens: adeò ut nec dorsum saltem parieti pro sustentatione reclineret. Arctâ & singulari conuersatione semetipsum affligens, studebat integrum se atque immaculatum in omnibus exhibere. Æternarum memoriâ poenarum noxias cogitationes mox repellebat. Consueuerat etiam stans in oratione manus expandere, quas per aliqua horarum spatia minimè colligebat, sed exstensione diuturnâ velut cruci confixum corpus retinebat immobile, & sic animum ad vigilandum in precibus excitabat. Quodam verò tempore cum pro more diutius in orationibus perduraret, diuinitus in Tabennæ vico monasterium edificare iubetur: deinde ab Angelo regulam accipit, quâ docendi forent quicumque ad eius magisterij studia peruenissent. Cum talis tantusque foret PACHOMIVS, assiduâ demonis impugnatione pulsatur, nunc prestigijs distrahitur, nunc crudelissimè caditur: sed fortissimus Athleta signo Crucis frontem muniens cuncta demonis molimina proterebat. Centesimum decimum annum agens, angelico conspectu re-creatus, sanctam reddidit animam.



Sanctus Pachomius.

8.

C2

S. MACARIUS ÆGYPTIVS.

Ex Ruffino
& Palladio.

MACARIUS Ægyptius, triginta annos natus, Asceticam vitam ingreditur; ubi tam excellenter se in omni virtutum genere exercuit, ut omnibus stupori esset. Effoderat ipse à cella suâ in dimidium usque stadium cuniculum subterraneum, & inde speluncam non modicam: quò se recipiebat, si quando latere & aduenarum strepitum fugere exoptabat; Viginti quatuor orationes dum recedit, totidemque dum redit, recitans. Cum quidam falsò homicidij accusatus ad eum confugisset, insequente eum apparitorum officio, egressus MACARIUS iussit se ad cadauer duci. Per fidem, inquit, Christi te obtestor, ut dicas si ab hoc homine, qui calumniam patitur, occisus es. Negavit ille. Cumque perurgeret officium, uti nomen homicidæ requireret, abnuuit MACARIUS: Sufficit, inquiens, mihi, ut innocens liberetur, non est autem meum, ut reus prodatur. Alio quoque tempore, cum virgo quedam, quæ magicis artibus in equam versa videbatur, ei offerretur; oleo benedicto & oratione à fascinatione eam liberavit. Cum Hieracita quidam hereticus eum in fidei contentionem prouocaret, promptissimè se obtulit MACARIUS, non verbis magis quàm reipsa fidei testimonium præbens. Processerunt igitur ad sepulcra; & hortatur MACARIUS Hieracitam, ut euocaret mortuum in nomine Domini. At ille: Tu, inquit, domine, qui proposuisti, prior euoca. Et MACARIUS prosternens se in orationem ante Dominum, ubi sufficienter oravit, eleuatis sursum oculis suis, ait ad Dominum: Tu, inquit, Domine, quis ex duobus nobis rectam fidem teneat ostende, eleuato mortuo hoc. Et cum hæc dixisset, fratris cuiusdam nomen, qui nuper fuerat sepultus, euocauit. Cui ille cum de tumultu respondisset, accedentes fratres continuo, quæ superposita fuerant, auferunt, & eduçtum eum de sepulcro, resolutis fasciis quibus conscriptus erat, exhibuerunt viuente. Hieracita verò, ubi hæc vidit, obstupescens in fugam vertitur. Quem fratres quoque omnes insequentes, extra terminos terre illius exturbauerunt. Vixit MACARIUS annos omnino xc. ex quibus in solitudine annos lx. transegit.



9. *S. Macarius Egyptius.*

S. MACARIUS ALEXANDRINVS.

Ex Rufino
& Palladio.

MACARIUS Alexandrinus, eximius eremi cultor fuit, adeò vt penitissima quæque & inaccessa loca penetrârit. Loco, in quo plerumque versabatur, Scete nomen erat, in vastissimâ eremo, nec facile cuius peruiâ. Cùm amicus quidam uiam MACARIO detulisset, cā ille infirmiori cuidā fratri deferri curat. Ille sibi gratulatus de benigno Patris affectu, mittit eam porro ad alios fratres: quo factum, vt vna uia per mutua charitatis officia omnium fratrum cellas obambularit, & ad MACARIUM reuerterit. qui mirè fratrum suorum continentiam recreatus fuit. Cùm apud magnum virum & Patrem Antonium electos palma ramos vidisset, quos ipse laborauerat, petijt ab eo vnum manipulum ramorum palme. (Cui Antonius: Scriptum est. Non concupisces res proximi tui, & ecce rami omnes statim tanquam ab igne torrefacti sunt. Quod quidem cū vidisset Antonius, dixit MACARIO: Ecce Spiritus sanctus requieuit super te, erisq; mihi deinceps hæres mearum virtutum. Cū quodam tempore fratris cuiusdam visendi gratiâ, vterq; Macarius nauim conscendisset; reperere ibi tribunos aliquot, diuites admodum ac prepotentes, magno puerorum honorariorum stipatos agmine. Horum vnus cū videret in vltimâ nauigij parte vilibus indumentis, atque ad omnia expeditos iacere Monachos, ait ad eos, Beati estis vos, qui huic sæculo illuditis, & nequaquam ex eo requiritis, nisi indumentum vilissimum & parcissimum victum. Tunc MACARIUS ALEXANDRINVS respondit: Verè quidē, vt dicis, qui Deum sequuntur, illudunt mundo; sed miseremur vestri, quòd vobis econtrario mundus illudit. Cū diabolus ei longinquas peregrinationes suggereret, duorum modiorum sportā impleuit arenâ & humeris imposuit; atque ita totā peruadebat solitudinē. Cui cū Theosebius quidam occurrens diceret: Quid portas, abba? Cede mihi onus, & ne vexeris. Ille autē dixit; Vexo eum qui me vexat. Nam cū sit remissus asellus meus, peregrinationes suggerit.

Deut. 7.



S. Macarius Alexandrinus.

S. A B R A H A M.

Ex sancto
Ephraim.

SANCTVS ABRAM, propter eximium IESV CHRISTI amorem, septimâ nocte nuptiarum relinquens intactam sp̄sam fugit, & cella se inclusit; vbi diuinâ gratiâ illustratus, quotidie continentia, humilitate atque charitate profecit. Contigit autem anno duodecimo renuntiationis eius, vt parentes ex hac vitâ recedentes aurum ei copiosum prædiaque magna relinquerent, quæ pauperibus erogari fecit. Quare securus animo & mente quietâ mansit. vestis eius sagum & cilicium, quod quinquaginta annorum spatio non mutauit; supellex caucis erat & psathium, in quo cubitare consueuerat. Omnibus omnia factus, equaliter dilexit omnes, honorauit vniuersos. Nec aliquando quenquam procaciter increpauit, sed erat sermo eius charitate & suauitate conditus. Quis audiens eius eloquium dulcedine sermonis saturari potuit? Vel quis vultum illius respiciens, non magis videndi eum sapius desiderium sumpsit? Erat autem aspectus eius quasi flos quidam immarcescibilis, atque in facie eius puritas animi relucebat. In omni tempore institutionis suæ non præteriiit eum sine lacrymis dies. Abstinentiæ suæ regulam, quam semel arripuit, non mutauit. Quinquaginta siquidem annos magnâ cum deuotione atque humilitate cordis & charitate non fictâ, institutum suum impleuit. Non appropinquauit oleum corpusculo eius; facies eius ac pedes à die conuersionis suæ numquam diluti sunt. Non pigritiâ obtrorpuit, non seigniter egit; sed ita semper extitit, quasi quotidie moriturus. Ad Pontificatus ministerium assumptus, ab idolorum ad vniuersi verique Dei cultum Gentiles adduxit. Verum pristinae consuetudinis amore tactus, reuertitur ad cellam: vbi varijs demonum tentationibus in nomine IESV superatis septuagesimo vitæ suæ anno quieuit in pace. Maximum autem atque admirabile certamen hoc fuit, quod erga Mariam neptem suam gessit; quomodo per sapientiam spiritualem de voragine iniquitatis eam abstraxit. ô miraculum! In ipsum cutile draconis ingressus est, ibique eum pedibus conculcauit, & ex medio dentium eius escam eripuit.



ii. S. Abraham Eremita.

S. BASILIUS MAGNVS.

Ex Basilij
Epist. ad
Chilonem
Anachoré-
tam.

Gen. 18.

Gen. 18.

Gen. 31.

Exod. 19.

3. Reg. 18.

2. Esdr. 8.

Matth. 3.

Matth. 26.

Matth. 18.

Matth. 7.

Hebr. 11.

Psalms. 16.

PROPTER incommoda, quæ in mundo sunt, persuasus in hos montes quasi volitans passerculus emigraui. Passerculi etenim exemplo exemi me, atque submoui longius à laqueo venantium. Siquidem in hac solitudine (si nescis, ô improba cognatio) vitam hanc destinavi mihi transigendam, in quâ Dominus meus pro me versatus est. Hic illa est quercus Mambre. Hic inuenire liceat scalam, ad coelum vsque animas rectâ subuehentem. Hic & castra angelorum, quæ se Patriarchæ Jacob spectanda præbuere. Hæc ea est solitudo, in quâ peculiaris Dei Populus præuiâ expiatione collustratus, legem accipere promeruit: denique ad terram prouectus promissionis, Deum contemplatus est. Hic mons celeberrimus Carmelus, in quo Elias demoratus perplacuit Deo. Hic sita est campestris planities, in quâ seorsim à cæteris cum se Esdras submouisset, libros scripturæ diuinitus inspirata, omnes ex Dei mandato, ad communem omnium usum eructauit & exprompsit. Hic sita eremus est, in quâ B. JOANNES esitans locustas, formulam penitentiae hominibus perficiendæ suâ prædicatione præscripsit & euulgauit. Hic item mons ille oliuarum, ad quem CHRISTVS ex more secēdebat oraturus, nosque orandi formulam edoctrurus. Hic documentum edidit CHRISTVS, quàm deamaret solitudinem: Is enim ait: Vbi duo vel tres congregati fuerint in nomine meo, ibi sum in medio eorum. Hic angusta & ardua est via, quæ ducit ad vitam. Hic Doctores & Prophetæ in solitudinibus errantes, in montibus, & in speluncis, & cauernis terræ. Hic Apostoli & Euangelistæ, ac Monachorum ab urbium aditu longissimè disparata conuersatio. Hæc ex prompto nec illibenti animo complexus sum in hoc, ut quæ martyribus ceterisque in commune sanctis diuinâ promissione reposita sunt, vel ipse tandem promerear accipere, quod nihil adumbrate, sed verissimè depromere illud possim: Propter verba labiorum tuorum ego custodiui vias duras.



S. Basilus Magnus.

1. Febr.

Ex Nyssen.
Metaph.
& Vitis Pa-
triam.Psalm. 59.
& 107.

Job 1.

S. EPHRÆM Syrus, Edessæ ecclesiæ Diaconus, in Edessâ pijs parentibus natus, abstinuit à puero ab omni re malâ. Cuius egregiam sanctitatem ac doctrinam per visum videre parentes; cum ex ore ipsius EPHRÆM vitis adscenderet valdè frugifera, quæ excrecebat & replebat omnem sub cælo regionem. Hic ab ætate iuuenili eremum incoluit, cõpunctionis sibi abyssum vindicâs, per quam & diuinam Spiritus sancti gratiam suscepit. Captus autem desiderio visendæ Edessæ Urbis, eò concessit; tum vt loca ibi sancta inuiseret, tum vt sapientem aliquem conueniret, ac cognitionis fructum vel caperet ipse, vel alijs præberet. Veniensque in Urbem conuersatus est ibi, & salutaribus suis monitis impudenti semina salutem attulit. Ex impudicâ enim pudicam, ex lasciuâ grauem; ex inquinatâ puram castamque reddidit. Cæsaream deductus, vidit S. Basilium, quem magnâ voce beatissimus honorabat; nempe qui in humero Basilij dextro columbam stantem aspiceret, & in aures suggerentem, quæ populo referebat. Magnus autem Basilius Spiritu sancto plenus, agnouit EPHRÆM, & dixit ad eum: Tunc EPHRÆM es Syrus? Verè quemadmodum intellexi, sic & in te comperi, quietis amator. Scriptum habetur in prophetiâ Dauid: EPHRÆM fortitudo capitis mei. Nam mansuetudo tua atque clementia & simplicitas clara est, velut lumen apparēs omnibus. Erat enim clemens ac patiens, mansuetus, pudicus ac simplex, in cognitione diuinâ velut omni furo carens, secundum quod scriptum est, demissus atque modestus, humilis & compunctione plenus, supra fidem; vt etiam ipso tacente vel ex solo aspectu intuentes ipsum, docere videretur. Totus precibus ad Deum fundendis intentus erat; assiduus in cõtemplatione tribunalis CHRISTI. Hic igitur sanctus Pater, præsciens sui obitus, composuit testamentum ad discipulos & quoscumque monachos; & modicum egrotans quieuit in Domino.



13. Sanctus Ephrem.

7. Ianuarij.

S. SIMEON STYLITA

Ex Anto-
nio eius
discipulo,
& Theo-
doreto.

Math. 5.

SANCTVS SIMEON ex utero matris sue electus est à Domino, & meditabatur parere ac placere illi. Annos natus tredecim, ouium gregibus pascendis à parentibus praefectus est: in qua functione cum quadam vice multà viniuium, ouibus domi detentis, ipse ad sacrum templum venisset, accepissetque Euangelicam vocem: Beati qui lugent, quoniam ipsi consolabuntur. Beati mundo corde, quoniam ipsi Deum videbunt. confestim in propinquum monachorum caetum se contulit, ubi biennio commoratus, inde ad Heliodorum virum exercitatissimum profectus est. Vbi asperrimo sune ex palmarum foliis contexto lumbis cinxit, & totam hebdomadam ieiunus peregit, singulis diebus caelesti se pane reficiens. Inde angustà se domunculà inclusit, & ad exemplum Moysis & Elie quadraginta diebus ieiunauit. Transacto triennio montis verticem conscendit, ibique columbae insisilens, quae primùm sex, mox duodecim, deinde viginti, demùm triginta & sex cubitorum altitudinis fuit, multitudinem populi vndique ad se confluentem, terrena despicere, caelum suspicere docuit. Eius fama Roma ita celebris fuit, vt pro omnibus officinarum vestibulis, imagines eius ad tutelam collocatae sint. Prae ceteris autem eius animi dotibus, patientia eius potissimùm admiranda videtur. Nocte enim ac die stans, spectabatur ab omnibus, nisi quòd frequentissimè humi prostratus Deum adoraret, semel tantùm in hebdomadà cibum capiens. Publicis solemnitatibus aliud patientiae specimen exhibebat. Nam ab occasu ad ortum Solis, sublati ad caelum manibus totam noctem stabat, neque somno, neque labore defessus. Cum tanto rerum gestarum, miraculorumq; numero splenderet, adeò tamen modestus erat, vt omnium hominum se infimum atque postremum existimaret. Praeter modestiam verò ita affabilis ac humanus erat, vt ad cuiuslibet interrogata responderet, animam eius angeli in caelum subuexere.



14. S. Simeon Stylita.

S. MACARIUS ROMANVS.

Ex Vitis
Patrum.

MACARIUS in Regali ciuitate natus & nutritus, viri Ro-
mani filius, cum inuitus ad nuptias traberetur, ipso nu-
ptiarum die, relicta sponsa, clam fugit; & ab Angelo sancto
Raphaele per angusta montium & vallium deductus ad eremum,
ab onagro in via dirigitur, & ad locum diuinitus sibi preparatum,
Angelo duce, perducitur. Speluncam ingressus duos reperit leonis ca-
tulos, matre nutriceque premortua destitutos. Quorum ille curam su-
scipiens, arborum frondibus eos enutriuit: atque ita annis duobus idē
illis cum MACARIO cubile mensaque fuit. Inde diabolus, cuius nun-
quam a seruis Dei cessat inuidia, mulieris specie MACARIUM deci-
pit. Infelix ille, sero eius aduertens insidias, foras se proripit, & pectus
feriens lacrymas vbertim fudit. Ipse quoque leones, quos enutrierat, in
peccati vindictam ab eo fugiunt, donec orate MACARIO, Deo ita iu-
bente, reuersi sunt. Qui speluncam ingressi, dum humum pedibus suis,
ad vnus staturam hominis, effodiunt, ipse brachijs tenuis in foveam
descendit; leonibus imperans, vt MACARIUM in eodem sepelirent lo-
co, terram vndique aggerentes. Quod cum factum fuisset, annos tres
ita sepultus in eadem fossa peregit. Exinde cum ingenti fragore spelunca
dissiliret, ipse foras manus emittens, herbas in circuitu decerpens in
cibum colligebat. Pœnitentiæ triennio euoluto, rediēre ad eum leones;
terram egerunt, & toto corpore sanum extrahunt MACARIUM. Qui
positis genibus, quadraginta diebus & noctibus, in eodem immobilis
permansit loco. Quibus completis, respexit in speluncam, & vidit
Saluatorem CHRISTUM, qui speluncā suā presentiā expiabat & con-
secrabat. Ingressus in eam, glorificabat Deum, creatorem omnium,
qui MACARIUM tantā sustinuit patientiā, perduxit ad pœnitentiā,
& talem demonstrauit clementiam. Acta sunt hæc, cum septem annis
in speluncā egisset, nec ipse quadragenario maior esset.



15. S. Macarius Romanus.

S. FRONTONIVS.

Ex Vitis
Patrum.Num. 21. &
11.

Matth. 6.

Psalm. 32.

2. Cor. 11.

F R O N T O N I V S Verus Dei servus, publicam communemque vitam perhorrescens, convocatis aliquot ad se fratribus, in aniam solitudinem secessit. Ubi dum tenui victu vitam tolerant, hostiam laudis Deo offerebant. Qui etsi mundi laqueos fugerant, non effugere tamen demonis insidias; cui nihil inuium, nihil occultum. Sufficit igitur murmur inter fratres; suggerit, Deum ubique esse; non ruri magis quam in vrbe ad cælum patere aditum; angelorum esse, cibo carere, non hominum. Quibus concitati fratres FRONTONIUM adeunt, ad seculum redire gestientes, ubi maior annonae copia. Ille blandè eos solari, salutaribus monitis instruere. Meminissent maiorum, qui in deserto murmurantes à serpentibus depasti sunt. Reuocarent in memoriam diuinum promissum: Nolite cogitare quid manducetis, aut quid bibatis, aut quo operiamini: hæc enim omnia gentes mundi quarunt. Meminissent Prophetici sermonis: Ecce oculi Domini super timentes eum, ut alat eos fame: Rememorarent Apostoli effatum: in fame & siti. Dum hisce aliisque discipulos monitis instruit, ecce tibi Angelus Domini ad diutem quendam de nocte ait: Tu epularis in diuini splendide, & serui mei in eremo indigent pane. Ita tertio monitus & increpitus, onerari iussit sexaginta camelos, quos nullo ductore in eremum dimisit. Qui iuxta præcinctum montis abeuntes, rectè ad monasterium S. FRONTONII tendere. Qui letus & exultans spiritu, quod bonus Deus seruis suis cibaria prouiderat; ne tamen auaritiæ spiritus cerriperetur, eulogiarum partem mediam remisit. Ita in posterum nihil FRONTONIO, nihil fratribus defuit; cum quotannis viri diuites, hoc excitati miraculo, certatim annonam in eremum submitterent.



16. *Sanctus Frontonius.*

E

S. IOANNES IN LYCO.

Ex Ruffino
& Palladio.

SANCTVS IOANNES Ægyptius, cū quinque annos versatus
esset in monasterio, secessit solus in montem Lyco. Ascensus ad
eum difficilis; aditus cellule eius obstructus & clausus, ita vt à
quadragésimo ætatis sue anno vsque ad nonagesimum, nullus ad
eum intrauerit. Aduenientibus verò per fenestram se videndum præ-
bebat, & inde eis vel verbum Dei ad adificationem, vel, si qua fuisset
consolatio, responsa reddebat. Mulierum tamen illuc nulla, nec ad
conspæctum quidem eius accessit; sed & viri rarò, & non nisi certis
quibusque temporibus. Cellā sanè hospitalem extrinsecus fieri permis-
sit, in quā aduētantes paululū requiescerent; ipse verò intrinsecus
solus, solū Deo vacans, non diebus, non noctibus à colloquiis Dei
& oratione cessabat: Diuinum illud & quod super omnem mentē est,
totā mentis puritate conspiciens. Quantò enim se ab humanis curis &
colloquiis sequestrabat, tantò illi vicinior & propinquior Deus erat.
In tantā denique mentis sinceritate profecerat, vt non solū eorum,
quæ præsentia erant, scientiam consequeretur à Domino, verū &
eorum, quæ futura erant, præscientiam mereretur. Sanitates quoque
& curas corporum ita deposcentibus conferebat, vt omnem ex hoc ia-
ctantiam fugeret. Non enim mittebat ad se infirmos deferri, sed
benedicens oleum dabat; ex quo peruncti, sani fierent, à quacunque
infirmirate tenerentur. Cibus illi vespertinus erat, & hic exiguus; erat
idem attenuatus & aridi corporis præ abstinentiā: capilli eius & bar-
ba quasi ex languore nimio rara & tenuis. Obseruabat etiam, cū
iam nonagenariam ageret ætatem, vt nullum per ignem paratum su-
meret cibum. Appropinquante verò die obitus, per triduum nullum
ad se introire permisit; & positis genibus in oratione reddidit spiritū,
atq; ita perexit ad Dominum, cui est gloria in sæcula sæculorū. Amen.




17. *S. Joannes in Lyco.*

E 2

S. E L I A S.

Ex Ruffino
& Palladio.

SANCTUS Pater ELIAS, senex venerabilis, centum ferè
& decem annorum, vixit in sinibus ciuitatis Antinoo,
qua est metropolis Thebaidis; & fama erat, quòd verè spi-
ritus ELIÆ in ea requieuisset. Erat enim valde celebris, &
magnifica de eo referebantur, vt qui in terribili illà solitudine e-
gisset septuaginta annos; cuius deserti horrorem, terroremque
nullus sermo dignè poterit exponere. Illic ergo sedebat senior totà
hàc etate, humane habitationis nesciens loca. Semita autem e-
rat angusta & scruposa, qua ad eum ducebat, que vix inueni-
ri à comitantibus posset. Locus verò ipse in quo sedebat, spe-
lunca erat terribilis quædam, & intuentibus plurimum horro-
ris incutiens, adeò vt ipsum quoque videre esset formidabile. Tre-
mebat autem iam totus, vt quem senectus opprimeret. Incesa-
biliter tamen per singulos dies signa faciebat, & aduenientes ad
se quacumque incommoditate constrictos, omnimodis resolvebat.
Cuncti verò patres confirmabant, quòd nullus omnino meminisset,
quando hic secessisset ad eremum. Cibus ei erat panis exiguus, &
paucissima oliue, vsque ad ultimam senectutem. In iuuentute se-
ptimanas integras frequenter ieiunasse perhibetur. Cùm duo fra-
tres valdè corpulenti ad eum venissent, ad discipulum suum sub-
ridens dicebat; verè, frater, ego erubesco pro te, quia sic in sa-
ginà nutristi corpus tuum, quia esca vermium sumus, cùm pro-
fitearis te esse monachum. Pallor enim cum humilitate &
macies, decus est monachi. Scitum quoque eius hoc erat:
Ego tres res timco, vnā, quando egressura est anima
mea de corpore: aliam, quando occursurus sum Deo:
tertiam, quando aduersum me proferenda est sententia,



18. *S. Elias Aegyptius.*

S. THEONAS.

Ex Ruffino
& Palladio.

THEONAS Vir sanctus, in domunculâ seorsum inclusus, triginta annis silentium obseruauit; in tabellâ tantum subinde scribens, gratiam doctrinamq; sui sermonis aduentantibus ad se fratribus ostendebat. Is cum plurimas virtutes faceret, ut Propheta apud suos habebatur. Conueniebat namque ad eum per dies singulos infirmorum plurima multitudo, ad quos ille per fenestram manum proferens, & uniuscuiusque capiti superponens, ac benedicens eos, sanos ab omni egritudine remittebat. Hic etiam ipso visu tam honorabilis erat, tantumque reuerentie gerebat in vultu, ut inter homines Angelus videretur: ita letus oculis, & plenus totius gratiæ apparebat. Huic cum latrones noctu superuenissent, aurum se apud eum inuenturos credentes, oratione solâ ita eos vinxit, ut foribus eius affixi, mouere se omnino non possent. Mane verò cum ad eum turbæ more solito conuenissent, & viderent ad ianuas eius latrones, volebant eos igni tradere. At ille rerum necessitate compulsus, unum eis solum locutus est verbum: Si nite eos illesos abire, alioquin gratia à me fugiet sanitatum. Populi verò ut audierunt hæc, dimiserunt eos: qui abiectâ scelerum voluntate, & pœnitentiâ ducti ad monasteria vicina confugunt, atque ibi commendationis vitæ formam modumque suscipiunt. Erat autem vir eruditus non solum Egyptiorum & Græcorum linguâ, sed etiam Latinorum. Comedebat semina non cocta. De nocte progrediens ad eremum, comitatu utebatur plurimo eremi bestiarum. Ipse verò hauriens aquam de puteo suo, & prebens eis pocula, obsequij earum remunerabat laborem. Huius autem rei manifestum dabatur indicium, quod vestigia bubalorum, caprarumque & onagrorum, quibus semper delectabatur, circa eius cellulam plurima deprehendebantur.



Sanctus Theonas.

S. H E L E N V S.

Ex Ruffino
& Palladio.

Galat. 5.

H E L E N V S à pueritiâ in seruitio Domini, cum omni continentia & castissimis institutionibus enutritus, ad summa merita peruenit; adeo ut etiamnum puer, cum in monasterio versaretur, & è vicino petendus esset ignis, ardentes prunas vestimento ferret illaeso. Huic quodam tempore, cum solus esset in eremo, desiderium vescendi mellis exortum est: & conuersus vidit in saxo fauum mellis inhaerentem, & intelligens inimici hanc esse fallaciam, continuo semetipsum increpans, ait: Discede à me deceptrix & illecebrosa concupiscentia. Scriptum est enim: Spiritu ambulate, & concupiscentias carnis ne perfeceritis. Alio quoque tempore, cum iam tertiâ septimanâ ieiunius ageret, videt in deserto diuersa sparsim iacere poma: & intelligens dolos inimici, ait: Non manducabo, neque contingam; ne fratrem meum, hoc est, animam meam, scandalizem. Cum & sequenti septimanâ ieiunaret, adfuit ei Angelus Domini, qui ei limpidissimum fontem, eiusque ripas herbis odoratissimis pretextas monstrabat. Atque ita cibo calitus misso refectus est. Cum aliquando fratribus necessaria deferens, oneri succumberet, videns fortuito pascentes onagros, vnum ex iis euocauit, cui ipse insedit & onus imposuit. Nonnunquam etiam crocodilo vectore flumen traiecit. Et cum quidam quererentur, quod bestia ea esset pernicies hominum, eandem in siccum educens, dixit ad eam: Melior est tibi mors, quam tot scelerum & tot homicidiorum inuolui reatu. At ille statim corruens exspirauit. Ad monasterium subinde diuertens, docebat fratres spiritalem doctrinam, ita ut etiam nonnullorum cogitationes cordis, & consilia secreta proferret in medium. Qui agnoscentes ita intra se agi, vitia abdicabant, & virtutes inferebant.



20. *Sanctus Helenus.*

iv. Octob.

S. AMMON NITRIOTA.

Ex Rufino
& Palladic.

AMMON locupletibus & generosis parentibus natus, inu-
tus ad nuptias cogitur. Cum inter nuptiales thalamos conue-
nissent, ita sponsam ad pudicitiam conservandam inuitat:
Corruptio sine dubio inuenit corruptionem, incorruptio verò incor-
ruptionem sperat. Multò ergo melius, si uterque nostrum in virgini-
tate perduret, quàm ut alter corrumpatur ex altero. Acquiescit ei
Virgo, silentio tegitur incorruptionis thesaurus. Cumque plurimo
tempore, solius Dei contenti testimonio, spiritu magis essent quàm
carne sanguineque coniuncti, post obitum amborum parentum, ille
quidem ad vicinum deserti secedit locum, interiora montis Nitrie
occupans; virgo verò intra domum residens, in breui & ipsa multi-
tudines virginum, & ille multitudines congregat monachorum. De-
ductum ad se adolescentem, morsu canis rabidi in rabiem versum,
non antè restituit sanitati, quàm ille bonem, quem Vidua surripue-
rat, redderet: quod ipsum furtum spiritu prophetico AMMON cognoue-
rat. Unde timor inuasit adstantes, quòd ea, quae secretè gesta sunt,
non latuerunt hominem Dei. Cum quidam ei cameli vsum ad dolium
deferendum, quo aqua colligeretur in commodum aduentantium, de-
negasset, camelus interiit. Fluvium Nilum cum trāsire vellet, & exue-
re se erubesceret, virtute Dei subitò in alteram ripam translatus est.
Vixit AMMON sexaginta duos annos, ex quibus viginti in domo
paternā ante nuptias transegit, duodeviginti post nuptias, à consorte
suā secubans, & de die in balsameto se exercens; viginti verò duos in
monte Nitrie. Cuius beatam animam in cælū assumi ab angelis vidit
S. Antonius; cuius quoque iustitiam atque animi virtutes in summā
admiratione idem habuisse memoratur.



26. *S. Ammon Nitriota.*

S. PAVLVS SIMPLEX.

Ex Ruffino
& Palladio.

PAVLVVS cognomento Simplex, cum uxorem suam in adulterio deprehendisset, nulli quidquam dicens, egressus est domum, & mœstitiâ animi tactus in eremum secessit: vbi cum anxius oberaret, ad monasterium peruenit Antonij. A quo cum salutis iter inquireret, ille intuens hominem simplicis naturæ esse, respondit ei, ita demum eum posse saluari, si his, quæ à se dicerentur, obediret. Tunc ille omnia quaecunque sibi præciperet, facturum se esse respondit. Vt ergo promissionem eius probaret Antonius, ante fores cellulae stanti, hic, inquit, exspecta me orans donec egrediar. Ille mansit ibi in asu diei & rore noctis continuò orans. Adeò sollicitus silentij ex obedientiâ obseruator fuit, vt cum Antonius ei quòdrem simplicem proponeret, nutu silentium indixisset, religiosè id coluerit ad stuporem Antonij. Egregiè eum Antonius in obedientie virtute exercuit, ea imperans, quæ ratio & causa non poscerent. Haurire namque aliquando eum aquam iussit ex puteo, & in terram totâ die effundere; contextas sportellas resolvere, ac denuo contexere; vestimentum dissuere, ac iterum resuere & rursus resolvere. quâ ratione breuè ad perfectionem venit. Nam obedientie & simplicitatis merito in tantum spiritualium gratiarum culmen ascendit, vt multò plures & potentiores virtutes per ipsum Dominus, quàm per sanctum Antonium faceret. Quos enim ipse Antonius curare non poterat, ad PAVLVVM ablegabat. Deductus est aliquando ad eum rabidus, cui demon erat infestus. Et cum mora curationis fieret, nec celer sequeretur effectus, quasi infantum more indignatus ad Dominum dixisse fertur: verè non manducabo hodie, si eum non curaueris. Et continuò quasi delicioso domino satisfactum est à Deo, & statim curatus est rabidus. Ita bonus Deus cum seruis suis, qui se totos ei deuouere, muneribus certat, illorum se virtutibus quasi oppignorat, & supra omne meritum eosdem remunerat.



S. Paulus Simplex.

S. A R S E N I V S.

Ex Vitis
Patrum, &
eius vitâ.

ARSENIUS Romanus Græco & Latino eloquio clarus, & in Scripturis sanctis eruditus, in Romanâ ecclesiâ diaconus ordinatus, Româ Constantinopolim euocatur, ubi ab Imperatore Theodosio filiorum suorum pædagogus constitutus est. Sed ille aulicæ vitæ pertæsus, orauit ad Dominum, dicens: Domine, dirige me ad salutem. & venit ei vox dicens: ARSENI, fuge homines, & salua-beris. Idem ipse discedens ad monachilem vitam, rursus orauit eundem sermonem. Audiuitque vocem dicentem sibi: ARSENI, Fuge, tace, quiesce. hæc enim sunt radices non peccandi. Itaque vili indutus amictu in vastam Scetis solitudinem contendit. Cum ad eum matrona Romana magnis itineribus peruenisset, rogaretque ut in memoriâ se habere dignaretur, respondit: oro Deum meum, ut deleat tuam ex corde meo memoriam. Quotiescunque autem in ecclesiam cum aliis patribus conuenisset, post columnam sedebat, ne aut ipse alterius, aut alter ipsius faciem inspicere posset. Rogatus, cur non mutaret aquam palmarum, quæ fœtebat, respondit: pro rhymiamate & odoribus vnguentorum, quibus in sæculo usus sum, opus est uti me nunc fœtore isto. In oratione adeo perseverans fuit, ut totis sæpè noctibus orans perduraret, ut quem Sol occidens orantem conspexerat, eundem rursus oriens orantem reperi-zet, Hic autem sermo semper erat in ore eius: ARSENI, propter quid è seculo existi? sæpè quoque dicere solebat. Loqui me semper pœnituit, tacere nunquam. Qui idem vir insignis cum teneretur amore beatitudinis lugentium & consolationis, quæ eis promittitur, non cessauit lugere; in tantum ut gremio subesset pannus, quo lachrymas abslergeret, quæ fluebant ex oculis. Atque hæc eius erant quotidiana exercitia, quousque verè beatam tradidit animam, cum vixisset inter Eremitas annos quinquaginta quinque; obiit autem nonaginta quinque annorum.



Sanctus Arsenius.

S. B O N O S V S.

Hierony-
 mus ep. 41.
 ad Ruffin.
 Genes. 28.
 Matth. 16.
 Luc. 9.
 Psal. 125.
 Num. 21.
 Matth. 11.
 1. Thessal. 4.
 Ephes. 6.
 Deut. 8.
 1. Timoth. 6.
 Gal. 6.
 Philip. 1.

BONOSVS tuus, imò meus, & (vt verius dicam) noster, scalam Iacob iam scandit, portat crucem suam, nec de crastino cogitat, nec post tergum respicit. Seminatur in lacrymis, vt in gaudio metat, & sacramento Moyse serpentem in eremo suspendit. Ecce puer, honestis seculi nobiscum artibus institutus, cui opes asfatim, dignitas apprimè inter æquales erat, contemptâ matre, sororibus, & carissimo sibi germano, insulam pelago circumsonante naufragam, cui asperæ cautes, & nuda saxa, & solitudo terrori est, quasi quidam nouus paradisi colonus insedit: nullus in tantâ vastitate adheret lateri comes; solus ibi (imò iam Christo comitante non solus) videt gloriam Dei, quam etiam Apostoli nisi in deserto non viderant. Non quidem conspiciunt turratas vrbes, sed in noue ciuitatis censu dedit nomen suum. Horrent sacco membra deformia, sed sic melius obuiam Christo rapietur in nubibus. Nullâ euriporum amœnitate perfruitur; sed de latere Domini aquam vitæ bibit. Totam circa insulam fremit insanum mare, & sinuosis montium illisum scopulis æquor reclamat. Nullo terra gramine viret, nullis vernans campus densatur umbraculis: abruptæ rupes quasi quendam horrore carcerem claudunt. Ille securus, intrepidus, & rotatus de Apostolo armatus, nunc Deum audit, dum diurna relegit; nunc cum Domino loquitur, dum Deum rogat; & fortasse, ad exemplum Ioannis, aliquid videt, dum in insulâ commoratur. Quas tu diabolus nebere credis tricas? quas parare arbitraris insidias? Forsitan antiquæ fraudis memor, famem suadere tentabis; sed iam illi responsum est: Non in solo pane viuit homo. Opes forsitan gloriamque proponet; sed dicitur illi. Qui cupiunt diuites fieri, incidunt in mulcupulam & tentationes. Fessa membra ieiuniis, morbo grauante concutiet; sed Apostoli repercutietur eloquio: Quando infirmior, tunc fortior sum. Minabitur mortem, sed audiet: Cupio dissolui & esse cum Christo.



Sanctus Bonosus.

24.

G

xxx. Septē.

S. HIERONYMVS.

Ex Hieron.
Epist. 22. ad
Eustochiū.

QUOTIES ego ipse in eremo constitutus, & in illā vastā solitudine, quæ exusta solis ardoribus, horridum monachis præstat habitaculum, putabam me Romanis interesse deliciis! Sedebam solus, quia amaritudine plenus eram: horrebant sacco membra deformia, & squalida cutis situm Æthiopice carnis obduxerat: quotidie lacrymæ, quotidie gemitus; & si quando repugnantem somnus imminens oppressisset, nuda humo vix ossa herentia collidebam. De cibis verò & potu taceo, cum etiam languentes monachi aquā frigidā vtantur, & cōstū aliquid accepisse, luxuria sit. Ille igitur ego, qui ob gehennæ metum tali me carcere ipse damnaueram, scorpionum tantū socius & ferarum, sæpē choris intereram puellarum: pallebant ora ieiuniis, & mens desideriis aestuabat in frigido corpore, & ante hominem suum iam carne præmoriā sola libidinum incendia bulliebant. Itaq; omni auxilio destitutus, ad IESV iacebam pedes, rigabam lacrymis, crine tergebam, & repugnantem carnem hebdomadarum mediā subiugabam. Nō erubesco confiteri infelicitatis meæ miseriam; quin potius plango, me non esse, quod fuerim. Memini me clamantem, diem crebrō iunxisse cum nocte, nec prius à pectoris cessasse verberibus, quā rediret, Domino increpante, tranquillitas. Ipsam quoque cellulam meam, quasi cogitationum mearum consciam, pertimescebam; & mihi met iratus & rigidus, solus deserta penetrabam: & si cubi concaua vallium, aspera montium, rupium prærupta cernebā; ibi meæ orationis locus, ibi illud miserrimæ carnis ergastulum: &, vt ipse testis est Dominus, post multas lacrymas, post calo inherentes oculos, nonnumquam videbar mihi interesse agminibus Angelorum; & letus gaudensque dicebam: Post te in odorem vnguentorum tuorum eucurrimus.

Cant. 2.



25. Sanctus Hieronymus.

G 2

S. Ambr. lib. de Viduis.

CASTITAS
SOLITVDINEM

QVÆRIT

PVDICA
SECRETVM

IMPVDICA

CONVENTVM.



SACRA
EREMVS
ASCETIARVM.

*Exultabit solitudo, et Florebit quasi Lilium, Germinans
germinabit, exultabit latibunda et laudans, Isaia 35.
A. Bloemaert Inu. B. A. Bolluere. Sculp. et exc.*

M A R I A

D E I

M A T E R.

Hieron. in
Osee c. 13.

ADDUCET vrentem ventum Dominus de deserto
adscendentem: Desertum intelligimus sancta MARIÆ
uterum Virginalem, quod absque semine humano nullo fru-
tice pullulauerit: sed virga simplex atque purissima, & vni-
one fa-
cunda, ediderit eum florem, qui dicit in Cantico Canticorum: Ego
flos campi & lilium conuallium.

Cant. 2.

Hiero. epi.
7. ad Latā.Ambr. li. 4.
epist. 3. ad
Sabinum.

Luc. 1.

MARIAM solam in cubiculo suo reperit Gabriel: & ideo for-
sit timore perterrita est, quia virum, quem non solebat, adspexit.

SOLA erat MARIA, & loquebatur cum Angelo; sola erat,
quando supernenit in eam Spiritus sanctus, & virtus Altis-
simi obumbravit eam; sola erat, & operata est mundi salutem,

Hieron lib.
2. in Lucā.

& concepit Redemptorem vniuersorum.
SOLA in penetralibus, quam nemo virorum videret, solus An-
gelus reperiret, sola sine comite, sola sine teste, ne quo degenerare de-
prauaretur affatu, ab Angelo salutatur. Disce virgo verborum vi-
tare lasciuia. MARIA etiam salutationem Angeli verebatur.

Ambro. li.
2. in Lucā.

MARIA leta pro voto, religiosa pro officio, festina prae gaudio,
in montana perrexit. Quo enim iam Deo plena, nisi ad superiora
cum festinatione contenderet? Nescit tarda molimina sancti Spiritus
gratia.

Hiero. epi.
17. ad Mar-
cellam.

MARIA Mater Domini, postquam ad eam Angeli facta est
promissio, & uterum suum intellexit esse domum filij Dei, derelictis
campestribus ad montana perrexit. Hæc enim terra montuosa, &
in sublimi posita, quantum à delicijs sæculi vacat, tantò maiores ha-
bet delicias spiritus.



i. S. Maria Mater Dei.

S. MARIA MAGDALENA.

Ex vitâ eius
per Radul-
phum Ar-
dentem.

MARIA MAGDALENA, nobilibus & copiosis parentibus nata, post Dominicæ resurrectionis gloriam, Ascensionisque triumphum, ac Spiritus paracliti de supernis promissionem, qui discipulorum corda tēporalispœnæ adhuc formidine trepidantia, scientiâ omnium linguarū illustrauerat, cum fratre, sorore Marthâ, & Marcellâ ped. sequa, ac Maximino (vno ex septuaginta duobus discipulis Christi Domini, qui totam illam domum baptizauerat) multisque aliis Christianis comprehensa à Judæis, in nauem sine velo ac remigio imponitur, vastissimoque mari ad certum naufragium committitur: sed nauis, Deo gubernante, saluis omnibus Massiliam appulsa est. Eo miraculo & horum prædicatione, primùm Massilienses, mox Aquenses ac finitimæ gentes in Christum crediderunt: Lazarusque Massiliensium & Maximinus, Aquensium Episcopus creatur. MAGDALENA verò assueta orationi & pedibus Domini, vt optimâ parte contemplandæ cælestis beatitudinis, quam elegerat, frueretur, in vastam altissimi montis speluncam se contulit, vbi triginta annos vixit ab omni hominum consuetudine disiuncta, quotidieque per id tempus ad audiendas cælestium laudes septies in altum ab Angelis elata. Appropinquante verò tempore, quo beatæ carnis ergastulo solueretur, vidit Dominum, cui se omni pietatis studio mancipauerat, ad cælestis regni gloriam misericorditer se vocantem; vt cui temporalis vitæ subsidium in terrâ ministrauerat, ab ipso cælestis vitæ pabulum sine fine gratulabunda perciperet. Transiit autem vndecimo kalendas Augusti. Cuius sanctissimum corpus beatus Maximinus Antistes assumens, diuersis conditum aromatibus in honorifico collocauit mausoleo, construens super beatæ membra mirabilis architecturæ basilicam.



2. *S. Maria Magdalena.*

S. E V G E N I A.

Ex Vitis
Patrum.

EVGENIA fuit sub Commodo Imperatore filia Philippi, viri clarissimi, in Urbe Romæ. Missus autem pater ab Imperatore in ciuitatem Alexandria, ut præfectura magistratum gereret, secum vexit uxorem & proles, quarum vna fuit beata EVGENIA: quæ cum litteras edisceret, & in multorum librorum lectione versaretur, incidit in Epistolas S. Apostoli Pauli, ex quibus Christi fidem didicit. Cum anno quintodecimo ætatis ei sponsus proponeretur, illustrissimis ortus natalibus, respondit: Maritus moribus, non maioribus eligendus est. Inde patrios tumultus & mundi fallaciam derelinquens, cum duobus eunuchis ad monasterium, quod est ante ciuitatem Alexandria, se contulit, virili habitu induta. Accepto igitur hospitio ab Heleno Heliopolis Episcopo, declarans quare illuc venisset, diuino baptismo cum iis, quos secum duxerat, lustrata, est, & in ordinem monachorum aggregata; & post aliquod tempus monasterij curam sibi creditam suscepit. Ubi propter miracula, quæ per illam Deus efficiebat, facta est familiaris mulieri cuidam ordinis senatorij, quæ Melantha vocabatur: accusata postea est ab illâ, quasi ad stupri consuetudinem illam prouocasset; crimen obuciens, quod illius nature repugnabat: existimans enim maræ esse propter speciem habitus, cuius pulchritudine vulnerata, cum sæpe periculum faciens ab eâ repulsa esset, detulit illam ad Philippum Præfectum: Cum verò is illam accersiri iussisset, veritas detecta est, non solum quod in habitu viri esset mulier, sed etiam quod Præfecti esset filia: quare patrem, & matrem, & multos ex familiâ, ad Christianorum fidem attraxit, & pater quidem Præfecti dignitate depositus, baptizatus est, postea & martyrij perfectionem abecutus, irruentibus in eum in templo idolorum infidelibus, qui & illū gladiis interfecerunt: Sancta verò EVGENIA Romam adducta est cum matre. & fratribus, Proto & Hyacintho eunuchis, qui obtruncati sunt, ipsa verò saxo graui alligata in Tiberim flumen proiecta est; atq; illinc seruata, gladio consummationē accepit.



3. Sancta Eugenia.

S. E V P H R A X I A.

Ex Viris
Patrum.

EVPHRAXIA Virgo Constantinopolitana, Theodosij iunioris consanguinea, defuncto Patre ab Euphrasia matre Theodosio commendata, Senatorio cuidam viro quinquennis desponsatur. Illa Verò discedens cum matre, in Thebaidem Aegypti profecta est, & monasterium ingressa, in quo erant virgines centū & quatuor, parem Angelis vitam ducentes; & emulata earum virtutem, à monasterio ipso discedere passa non est. Vbi consentiente matre ab Abbatissa cilicino habitu monasterij induitur. Iam mater eam Domino commendauerat, cum mox humilitate & sancta conuersatione polle-
re cepit; & mirā in cunctis ministeriis obedientiā superauit vniuersas. Mater verò illinc discedens Orientis monasteria obeundo, possessiones multas & beneficia indigentibus cētulit. Post hæc, cum in morbum incidisset, reuersa est ad mansionem, in quā filiam reliquerat: cumque omnes facultates filia commisisset, requieuit in Domino.

EVPHRAXIA verò cum bona omnia pauperibus & ecclesiis Dei distribuisset, monastica vitæ exercitationem egregiè amplexa, tantū in virtute profecit, & necessitates corporis subiugauit, vt per quadraginta quinq; dies immobilis steterit, intentis ad cælū manibus. Multas diaboli tentationes pertulit, quas abstinentiā vicit. Nam & lapidem capiti supposuit, & cinere stratum conspersit. Verū enimvero cum diabolus hanc omnino superare nō posset, aliis modis instat. Cum ex puteo hauriret aquam, capite deorsum à dæmone præcipitatur, sed à sororibus incolumis educitur: dicitur è solario, & illasa reperitur. Caterū propter excellentes virtutes beata EVPHRAXIA miraculorum gratiam accepit, quā multos à variis languoribus liberauit. Cum ei dies mortis diuinitus abbatissæ monitu nuntiaretur, valde indoluit, quòd tam citò euocaretur ex hac vitā, antequam plenè se expiasset. Cur, inquit, Domine, abominatus es me peregrinam & orphanam? cur despexisti me? Ecce tempus, quando debebam cum diabolo pugnare, & anima mea à me expetitur.



4. *Sancta Euphraxia.*

S. E V P H R O S Y N A.

Ex Vitis
Patrum.

EVPHROSYNA virgo, beati Paphnutij Ægyptij filia, septennis baptisatur. A multis in uxorem expetita, tandem viro clarissimo & ditissimo despondetur. Cum esset octodecim annorum abiit cum eâ Pater ad monasterium, ut illam precibus Abbatis commendaret, qui locutus est cum eâ; & benedicens exhortabatur ad castitatem, humilitatem, & patientiam timoris Domini: cepitque cor eius esse sollicitum, & monasterij mores sedulo perscrutari. Instruita tandem à senem monacho tondetur, & habitu induta virili, eunuchum se simulans, relicta domo, ad monasterium festinat; ibique admissa Smaragdum se nominat, & consignatur in monachum: deinde Agapito erudienda traditur: & quia pulcrâ erat facie, Abbatis iussu solitudo ei præcipitur, ne sit alius scandalo. Fecit autem Agapitus omnia, quæ sibi à Patre monasterij fuerant imperata; & introduxit Smaragdum in cellam solitariam; ubi orationibus vacabat, ieiuniis & vigiliis nocte ac die operâ dabat, seruens Domino in simplicitate cordis. Anxius interea pater, EVPHROSYNAM iubet inquiri; quâ non repertâ, tâquam mortuam lugebant eam; socer nurû, sponsus spösam, pater filiam. Pergit pater ad monasteriû, rogat, orent Dominum ut dignetur ostendere, quid factum sit de filiâ Paphnutij: sed nihil eis reuelatum est; oratio enim EVPHROSYNÆ erat ad Deum die noctuque, ne manifestam eam faceret in vitâ suâ Deus. Abbas Paphnutiû consolatur, & afflictum nescius ad filiam misit, ut patrem filia consolationibus attolleret. A filiâ cognitus non cognouit eam, quia species vultus emarcuerat præ nimia abstinentiâ, vigilijs & lacrymis. Mœrentem itaque patrem solatur filia, & ille iam latior domum reuertitur. Compleuit autem Smaragdus in cellâ solitariâ triginta & octo annos, & incidit in infirmitatem; cognoscens ergo, quia instabat dies dormitionis eius, vocauit Paphnutium patrem, & cum se ei reuelasset, tradidit spiritum.



5. Sancta Euphrosyna.

xx/x. Octo.

S. MARIA NEPTIS ABRAHÆ.

Ex sancto
Ephraim.

MARIA defunctis parentibus, unica relicta filia, Abraham eremita, qui eius erat patruus, committitur. Docebat eam ille psalterium & scripturas; atque ipsa in omni abstinentiâ emulari suum patrum nitebatur. Exultabat Abraham patruus eius, sic eam promptam sine ullâ hesitatione in cunctis virtutibus promoueri, in lacrymis, in humilitate, in modestiâ, in quiete, & quod his sublimius est, erga Deum eximiâ charitate. Viginti siquidem annis in abstinentiâ degens, velut agna pudicissima atque incontaminata columba patruo corripuit. Quo tempore annorum expleto, sauebat aduersus eam diabolus, & insidias prætendebat, ut eam suis cassibus irretiret. Insidiabatur ille, donec vinceret. Itaque constuprata patruum deserit, seq; stabulario locat, & biennio luxuriatur; sed sanctus Abraham de lapsu neptis in visione monitus, die noctuque nunquam pro eâ Dominum deprecando relaxauit animum, quousq; sub militis schemate turpitudinis locum ingressus est. Illa complexa cervicē eius, osculis demulcebat. Cumque oscularetur eam, odorata eius corpusculum suauissimo odore abstinentiæ fragrare, recordata est dierum, quibus cū summā abstinentiā vixerat; & quasi quodam telo percussa in animo vehementer ingemuit, lacrymasque profudit; & tanquam vim cordis non sufferens, in hac verba prorupit: Vae, vae, mihi misera soli solatus eam est Abraham, & cum gaudio cellula restituit. Hic induta cilicio, in humilitate cordis, oculorum fletibus perdurabat; vigilis quoque arctissimisque abstinentiæ laboribus semetipsam conficiens, spe peniæ firmissimā proprium deplorabat scelus; tam ingiter deprecationibus vacans, ut nullus non illacrymaret, qui vocem fletus eius audiret. Sic autem Dominum, ut sibi ignosceret, exorabat, ut signum aliquod acceptæ pœnitentiæ diuinitus postularet, & post triennij plenitudinem obtineret.



6. *S. Maria Neptis Abrahæ.*

S. THAISIS PECCATRIX.

Ex Vitis
Patrum.

THAISIS ab adolescentiâ suâ fuit à propriâ matre deprauatâ, seque officinâ diaboli constituit. Sed à viro sancto Paphnutio conuersa est, & pœnitentiâ scelerum compuncta, collectis omnibus quacunque ex peccato susceperat, prolatisque in mediâ ciuitate, populo spectante, igni supposuit: erat autem pretium librarum quadraginta. Posthac ad locum à Paphnutio constitutum venit; quam ille, reperto virginali monasterio, in cellulâ paruâ recludens, ostium cellule plumbo signauit, paruamque reliquit fenestellam, per quam ei cibus modicus inferretur, iussitque ei omnibus diebus parum panis & aquæ à sororibus monasterij ministrari. Cùm autem discederet ostio plumbato, ait ad illum THAISIS; Quò iubes, pater, vt aquam meam effundam? at ille respondit: In cellâ, vt digna es. Cùmque iterum, quemadmodum Deum oraret, requireret, dicit ei: Non es digna nominare Deum, nec in labijs tuis nomen diuinitatis eius adducere, sed nec ad cælum manus expandere: quoniam labia tua iniquitate sunt plena, & manus tue sordibus inquinatæ; sed tantummodo sedens contra Orientem respice, hunc sermonem solum frequenter iterans: Qui plasmasti me, miserere mei. Post trium verò annorum pœnitentiam Abbas Paphnutius rediens, post reuelationem sibi à Deo de illâ factam, ostium, quod plumbo signauerat, dissipauit. dixitque ei: Egredere, quia dimisit tibi Deus peccata tua. At illa. Testor, inquit, Deum, quia ex quo huc ingressa sum, ex omnibus meis peccatis quasi sarcinam feci mihi, & ante oculos meos statui; & sicut non recessit anhelitus de naribus meis, ita nec quidem vno momento vsque ad hanc horam peccata mea recesserunt à me. Et cùm eam inde eduxisset, quindecim tantum diebus THAISIS vixit, & sic pausauit in pace.




7. *Santa Thais.*

S. PELAGIA PECCATRIX.

Ex Iacobo
Diacono.

PELAGIA Antiochena, pantomimarum prima, corpore pulcherrima, habitu ambitiosa, cum Ecclesiam ingressa beatissimum Nonnum de futuro iudicio & cœlesti gloriâ sincerissimè loquentem audiisset; subito compuncta est timore Domini. Et statim venit ad locum ubi congregati erant Episcopi, apprehensisque pedibus beati Nonni dixit: Rogo te, Domine meus, imitare magistrum tuum Dominum IESUM CHRISTUM, & fac me Christianâ. Ego enim sum Domine meus, pelagus peccatorum, & abyssus iniquitatis. Peto me baptizari. Deinde iussa surgere, cum audisset Canones inhibere meretricem baptizari, nisi dato fideiussore; iactavit se iterum in pavimentum: & apprehensos Sancti Nonni pedes lachrymis lauit & capillis suis extergebat dicens: Rationem reddes Deo pro animâ meâ, & tibi adscribâ iniquitates meas, si distuleris me iniquam & turpissimam baptizare. Quo audito, Nonnus Episcopus exorcizatâ baptisavit, & imposuit ei signû Domini, tradiditque illi corpus Christi. Hinc diaboli planctus contra Nonnum: hinc eiusdè blanditiæ erga PELAGIAM. sed illa crucis se signo muniens, insufflauit in hoste, & statim nusquâ cōparuit. Porro datis omnibus facultatibus suis in usum pauperum, orphanorû viduarumque expendendis, illa octauo die, quando vestis alba deponenda erat, de nocte, omnibus inscijs, albâ depositâ, & ciliciû induta, petiit Hierosolymam; ubi in monte Oliueti, constructâ cellulâ, nomen assumens PELAGII, quasi Eunuchus sanctè conuersatur. Accidit post hæc ut Diaconus quidam Hierosolymæ loca sancta & PELAGIAM visitare; sed agnoscentem se non agnouit; quippe quæ pulcherrima fuerat; in præmediâ in marcorè versa erat. Oculi enim eius sicut fossæ videbâtur. Magna interim fama vagabatur de PELAGIO, quare secundo eâ visitat, & mortuum inuenit cuius dum corpus lauatur & vagitur, PELAGIVS femina deprehenditur. Exclamauerunt igitur voce magnâ dicentes: Gloria tibi Domine IESU CHRISTE, qui multas diuitias abscondas habes super terram, non solum viriles, sed etiam muliebres. Cum cereis itaque, lampadibus & hymnis sacrum corpus à Patribus sepelitur.



o.

Sancta Pelagia.

11. April.

S. MARIA ÆGYPTIACA PECCATRIX.

Ex Sophro
nio Episc.
Hierosol.

MARIA ÆGYPTIACA duodennis, spretis parentibus Alexandriam venit, ubi decem & septem annis insatiabiliter vitio libidinis subiugata iacuit; adeoque quod plures ad eam concurrerent, gratis quoque sceleris implevit desiderium, mendicans interim, vel stupam filando victitans. Contigit interea multos Hierosolymam nauigare ob Sanctæ Crucis exaltationem; quod cum & ipsa, non pietatis ergo, sed ut multos haberet sue libidinis cooperarios, ascendisset, & usque ad templi limina processisset, aliis & aliis ingredientibus illa diuinitus repulsa, intra templum non admittitur. Hoc ter & quater passa, tandem intellexit se ob scelera ab aspectus sanctæ Crucis arceri. Itaque compuncta beatissima virginis Mariæ suffragia implorat, ut sanctam Crucem videre possit, promittens se ex hoc nunquam ultra suam carnem coinquinaturam. Nec mora: tentat ingredi; & nullum sentit, ut prius, ingrediendi obstaculum; quin magis, ut vnda mare sic eam turba intro impellere videbatur. Tunc illa pro voto lignum sanctum adorauit, ac deinde egrediens ad locum, ubi Dei Matri promissionem fecerat, voce missa celitus docetur, quid facere debeat. Itaque festinanter acceptis tribus panibus in eremum tetendit. Vbi quadraginta & septem annis sic vixit, ut nec hominem nec animal viderit, sed ipsum Deum solum spectatorem habuerit. Consumptis panibus, quibus septendecim annis victitabat, herbis nutriebatur. Sed & vestimentis eius disruptis atque putrefactis, pruinis postea hyemalibus & æstiuis ardoribus ita cruciata fuit, ut multoties in terram cadens absque spiritu iaceret immobilis. Primis decem & septem annis immensis tentationibus exagitata, Dei gratiâ victrix euasit. hanc denique Zozimas ad eam eremi partem veniens inuenit, cui sacrosancta mysteria in vespere sanctæ Cæne ministravit, ac demum leonis ministerio iam ab anno defunctam sepeliunt.



S. Maria Egyptiaca.

S. MARINA VIRGO.

Ex Vitis
Patrum.

MARINA virgo Alexandrina, habitu & nomine mutato, à patre Monacho deducitur ad monasterium, & MARINVS vocatur. Quæ cum esset annorum quatuordecim cepit eam docere pater suus viam Domini. Dum autem facta esset annorum decem & septem, defunctus est pater eius. Remansit verò hæc sola in cellâ patris sui, & erat obediens omnibus in monasterio: ita ut ab Abbate suo & ab omnibus diligeretur. Iussus ab Abbate frequenter ibat ad emporium, ut afferret necessaria domus, & ibidem cum ceteris monachis, si quando serius esset, manebat in pandochio. Contigit autem per insidias inimici ut pandox ille haberet filiam virginem, ad quam ingressus miles stuprauit eam, & gravidam reliquit. Detectâ fraude, expeire parentes affligere puellam, ut autorem sceleris proderet. Illa MARINVM nominat. Parentes itaque ad Abbatem pergunt, & MARINVM monachum fornicationis accusant. Vocata venit & peccatum quod non admisit, quasi à se perpetratum agnoscit. Iratus Abbas, iubet eam contundi, affligi & e monasterio eici. Ipsa verò nunquam ulli confessa est arcanum suum, sed eiecta posuit se in terra ante fores monasterij affligens se tanquam ipsa peccasset, & ab ingredientibus fratribus postulabat, ut vel vna buccella panis ei daretur, ut nutrire filium alienum. Elapsis annis quinque, rursus in monasterio admittitur, & vilissima obit ministeria. Sancta vero libenti hæc animo suscipiens, omne opus quod ei iussu fuerat, sedulo perfecit. Contigit autem eam intra paucos dies dormire in Domino, & cognouerunt quia semina esset. Fornicaria à damone arrepta prodit hominem, qui deceperat eam, & apud sacrum corpus MARINÆ liberatur. Quæ fama ubi per totum emporium, & vicina loca sparsa fuit; ingens accurrit multitudo ad sacrum MARINÆ Oratorium, cum crucibus, ceris, Hymnis, & Psalmis eius funus prosequens, & opem eius implorans.



io. Sancta Marina.

Ex Diuo
Hieron.

Eccl. 13.

FABIOLA, post diuortium factum cum priori viro, secundas nuptias illicitè contraxerat: sed post eius mortem in semet reuersa, saccum induit vt errorem publicè fateretur, & totà vrbe spectante Romanà, stetit in ordine pœnitentium. Dissoluta habuit latera, nudum caput, clausum os. Non est ingressa Ecclesiam Domini, sed extra castra cum Mariâ sorore Moysi seperata confedit: vt quam sacerdos eiecerat, ipse reuocaret. Receptâ sub oculis omnis Ecclesie communione, quid fecit? Scilicet in die bonâ malorum non oblita est: & post naufragium, rursus tentare noluit pericula nauigandi; sed prima omnium Nosocomium instituit, in quo egrotantes colligeret de plateis, & consumpta languoribus atque mediâ miserrum membra foueret. Quoties morbo regio & pudore confectos humeris suis ipsa portauit! Quoties lauit purulentam vulnenum saniem, quam alius aspicere non valebat! Præbebat citos propriâ manu, & spirans cadauer sorbitunculis irrigabat. Quod monasterium non illius opibus sustentatū est? Quem nudū & clinicum non FABIOLÆ vestimenta texerunt? In quorum se indigentiam non effudit præcept & festina largitio? Angusta misericordia eius Roma fuit. Ergo peragratis insulis monachorum choros visitat, & Ierosolymam nauizat ministrare sanctis. Quæ cum ita solitudinem cuperet, vt diuersorio MARIE carere nollet ecce Hunnorum in Romarum orbem irruptio: quare cum aliis nauē conscendere & in Italiâ remeare compulsa est, vt ibi pauper viveret vbi diues fuerat. Sed Romana cernens mœnia, inclusam se esse plangebatur. Oblita sexus, fragilitatis immemor, ac solitudinis tantum cupida, ibi erat vbi animo morabatur. Sic festinabat, sic impatiens erat morarum, vt illam crederes profecturam. Itaque dum semper paratur, mors eam inuenire non potuit imparatam: dormiuit illa quomodo voluit, erogatis antè in monachos & seruos Dei facultatibus, & depositâ tandē sarcinâ leuior volauit ad cælum.



ii. *Sancta Fabiola.*

S. PAVLA VIDVA.

Ex Diuo
Hieronym.

PAVLA, nobilissima Romanorum vidua, relictis omnibus, cum solâ Eustochio Româ soluit; & venit Ierosolymam, ubi cuncta loca tanto ardore ac studio circumiuit, vt nisi ad reliqua festinaret, à primis non posset abduci. Quid ibi lacrymarum, quantum gemituum, quid doloris effuderit, testis est cuncta Ierosolyma, testis est ipse Dominus, quem prostrata, quasi pendentem in cruce cerneret, adorabat. Nec multo post in sancta Berthelem mansura perpetuò, angusto per triennium mansit hospitio, donec extrueret cellulas ac monasteria, & diuersorum peregrinorum iuxta viam conderet mansiones, in qua MARIA & IOSEPH hospitium non inuenerant. Hic tantâ se humilitate deiecit, quasi foret ancillarum vltima. Vidua nunquam cum viro comedit. Molliâ, etiam in grauissimâ febre, lectuli strata non habuit: sed super durissimam humum stratis ciliciosis quiescebat: si tamen illa quies dicenda est, quæ iugibus penè orationibus dies noctesque iungebat. Crederes in eâ fontes lacrymarum. Monita vt parceret oculis, aiebat. Turpanda est facies, quam contra Dei præceptum purpurisso, & cernissâ, & stibio sæpè depinxi. Affligendum corpus, quod multis vacauit delicijs. Longus risus, perpeti cõpenlandus est Reticu. Inter hæc castitate insignis fuit, in quâ etiâ cum secularis esset, omnium Romæ Matronarum exëplum fuit. Si pauperem videbat, sustentabat; si diuitem ad benefaciendum hortabatur. Liberalitas sola excedebat modum. Nullum pauperem vacuum remisit. Patientiâ luorem superabat, humilitate vincebat omnes. Tantiæ continentie fuit, vt propè mensura excederet, & debilitatem corporis nimijs ieiunijs ac labore contraheret. Sacre scripture testimonijs, quasi armaturâ Dei, tentationibus resistebat. His alijsquæ multis virtutibus prædita, & longo coronata martyrio, cum sentiret adesse mortem, crucis signum pingebat in labijs identidem iterans; Domine, dilexi decorem domus tuæ, & locum habitationis gloriæ tuæ, atque ita obdormiuit in Domino.



12. *S. Paula Romana.*

S. EVSTOCHIVM VIRGO.

Ex Diuo
Hieronym.

EVSTOCHIVM Paule filia, virginitatis & Ecclesie pretio-
sum monile, Roma nata est, & in cubiculo sancte feminae
Marcella, virginū moribus eruditur. Inde in Himettij, patris
sui, commigrauit domum. Cuius vxor Prætextata, nobilissima scemi-
na, habitum eius cultumque mutauit, & neglectum crinem munda-
no more texuit, vincere cupiens & virginis propositum & matris de-
siderium: & ecce tibi eadem nocte cernit in somnis venisse ad se An-
gelum terribili voce minitantem pœnas, & hæc verba frangentem:
Tunc ausa es viri imperium præferre Christo? Tu caput Virginis
Dei, tuis sacrilegis atrectare manibus, quæ iam nunc arescent; ut
sentias extruciata quid feceris: & finito mense quinto ad inferna du-
ceris. Sin autem perseueraueris in scelere, & marito simul orbaberis &
filijs. Omnia per ordinem expleta sunt; & seram misera penitentiam
velox signauit interitus. Sic vlscitur Christus violatores templi sui,
sic gemmas & pretiosissima ornamenta descendit; ita sibi EVSTO-
CHIVM reuindicauit, quæ Deum elegerat & quam ipse Deus præ-
elegerat, ut in specū Saluatoris sui intraret, & in sacro virginis Ma-
rie habitaret diuersorio. Iam Romæ præferēbat Berlehem, & auro
teſta ſulgentia, informis luti vilitate mutare cogitabat. Cum matre
igitur Romā soluit, & Palæſtinam ingreſſa eſt. Hic quāto ſtudio, qui-
bus lachrymis loca ſacra viſitauit, teſtis eſt ipſe Dominus, quem ad-
orabat & in membris ſuis honorabat. Cū matre Paulā in Berlehem
manſura perpetuū, exiguo per triennium manſit hoſpitiolo, ſit matri
indiuidua, ut nunquā abſque eā cubaret, nunquam procederet, nun-
quam cibum caperet, ne vnū quidem nummū haberet poteſtatis ſuæ,
ſed & paternam & maternā ſubſtantiam à matre diſtribui pauperi-
bus letaretur, & pietatem in parentē, hereditatem maximā & diui-
tias crederet. Orbata Matre, cū ſacris alijs virginibus ſanctum quod
ſuſcepit propositū, & vitæ inſtitutum quod arripuit, maioribus in dies
virtutum incrementis adauxit, ac tandem feliciter conſummauit.



13. Sancta Eustochium.

S. MARCELLA VIDVA.

Ex Dino
Hieronym.

MARCELLA orba patris morte, viro quoque post nuptias septimo mense priuata est. Cumque à Cereale Consule ambiciosius expeteretur, qui iam longauus omnes suas in eam valebat transfundere diuitias, respondit. Si vellem nubere, & nō aeterna me cuperem pudicitie dedicare, utique maritum quærerem, non hereditatem. Prima igitur Roma Christianam coluit viduitatem, quam & conscientia & habitu promittebat. Vsa est vestibus, quibus arceret frigus, non membra nudaret: aurum vsque ad annuli signaculum repudiāns, & magis in ventribus egenorum, quā in marsupijs recondens. Nusquam sine matre. Sine arbitris ne clericis quidem & monachis loquebatur. Semper in comitatu suo virgines ac viduas, & ipsas graves feminas, habuit. Diuinarum scripturarum ardore flagrabat incredibili. Illi erant moderata ieiunia, carnum abstinentia, vini odor magis quā gustus, propter stomachum & frequentes infirmitates. Rarō procedebat ad publicum, & maximē nobiliū matronarum vitabat domos, ne cogeretur videre quod contempserat: Apostolorū & Martyrū basilicas secretis celebrabat orationibus: matri in omnibus fuit obediens, Nulla eo tempore nobilium seminarum nouerat Romae propositum monachorum, nec audebat propter rei nouitatem, ignominiosum (ut tunc putabatur) & vile in populis nomē assumere. Hæc tamen non erubuit profiteri, quod Christo placere cognouerat. Hanc multos post annos imitata est Sophronia & alia. Huius amicitijs fruita est Paula venerabilis, in huius cubiculo nutrita Eustochium, virginitatis decus: ut facilis æstimatio sit qualis magistra, ubi tales discipule. Suburbanus ager pro monasterio fuit, & rus electum pro solitudine, multoque ita vixit tempore, ut ex imitatione sui & conuersatione multarum Roma fieret Ierosolyma. Non multo post Romā à Gothis captā, MARCELLÆ quoque domum cruentus victor ingreditur, qui casam fustibus & flagellis ad Apostoli Pauli basilicam deduxit. Post aliquot dies sano, integro, vegetoque corpusculo eo dormuit in Domino.



Sancta Marcella.

14.

S. MELANIA SENIOR VIDVA.

Ex Hieron.
& Palladio.

BEatissima MELANIA Romana, consularis Marcellini filia, calente adhuc mariti corpusculo, & necdum humato, duos simul perdidit filios. Nec lacrymæ tamen gutta fluxit. Stetit immobilis, & ad pedes aduoluta Christi: Expeditiis, inquit, tibi seruitura sum, Domine, quia tanto me onere liberaſti. Itaque cum eſſet vidua agens annū vigefimū, diuino amore digna, ſponſo qui in celis eſt mēte copulari meruit. Hæc, vt filio ſuo vnico tutor nominatus fuit, collectis rebus ſuis nauigauit Alexandriam. Inde, cum omnia vendidiſſet & in aurum minutum redegiſſet, Nitriæ attigit montem, atque ibidem per ſex meſes commorata, omnes qui illic erant ſanctos vidit & inuiſit. Monasterio Ieroſolymis edificato, viginti ſeptem annis in eodem virginibus conuixit. Quantum opum illa diſperſit amore Dei, teſtis eſt totus orbis. Triginta enim & ſeptem annis hoſpites excepit, ſicque iugiter in ſuſcipiendo ac omnes fouendo permansiſt, vt ne vnus quidem in ſolo palmæ ſpatium voluerit poſſidere. Cum de neptis ſtatu audiſſet, quod vellet ſeculo renuntiare, auius ſexaginta annos nata, Caſareā nauigans viginti dierum ſpatio Romam venit, atque illic Pinianum neptis maritum, catecheſi inſtituit, perſuaſitque perpetuam cum vxore continentia ſeruare: quorum exemplo multi conuenere, qui diſtractis omnibus ſuis ſeculo nuntium remiſere. Contra omnes autem alios Romani nominis viros atque matronas, ceu contra ſeras, dimicabat. Prohibebant eam à ceteris omnibus, ne forte aliquos ad honeſtum & tranquillum vitæ portum vi doctrine ſue conuerteret. Et hos omnes ſecularibus laqueis expeditos ad vitam ſolitariam deduxit: filium quoque admodum iuuenem conſilio docuit, vt volebat; & ad Siciliam perueniens omnibus rebus ſuis ibi diſtractis Ieroſolymam repetiit. Vbi ſuis opibus ex propria voluntate diuiſis, intra quadraginta dies, optima ac manſuetiſſima ſeminarum, beato fine requieuit.



is. *Melania Senior.*

S. MELANIA IUNIOR VIDVA.

XXXI. Dec.

Ex Palladij
Lausiaca.

MELANIA etate iuuenis, pietatis autem sententiâ vetula, cum à parentibus inuita nubere cogeretur Piniano, viro vrbis Romæ primario, tam iugibus auic sue doctrinis stimulata est, tantumque fuit sauciata, ut matrimonio non posset inferuire. Cum autem ei nati essent duo filij masculi, ijque decessissent, tantum eam cepit odium matrimonij, ut quibus posset modis viro continentiam persuaderet. Si volueris, inquit, mecum habitare, ut ratio dicat temperantia, & te dominum agnosco, & profiteor meam vitam esse in tuâ potestate. Tantum permitte, ut satisfaciam meo, quod est ex Deo, desiderio, facta heres eius, quæ est ex Deo, virtutis meæ auic, cuius etiam nomen gero. Si enim vellet nos Deus degere in hoc mundo, & frui rebus mundanis, non filios mihi natos accepisset immaturos. Ad postremum Deus misertus adolescentis, misit in cor eius continenter viuere, & omnia quæ mundi sunt, arbitrari ut stercora. Vigesimo ergo etatis sue anno MELANIA mundo renuntiat; & primum quidem omnia sua serica vertit in ornatum ecclesiæ; argentum autem & aurum Sanctis viris in Oriente distribuit. ecclesijs autem Occidentis, monasterijs, Xenodochijs & omnibus egentibus per seipsum in hilaritate ministrabat necessaria. Ita enim singulis suam pecuniam diuidebat, ut singulis necessarium erat, non ad luxuriam, sed ad necessitatem. Nemo ab eâ pauperum vacuus reuersus est. Seruos verò promiscui sexus, quicunque manumitti volebant, vsque ad octo milia liberos fecit. Huiusmodi autem erat eius exercitatio. Post alterum diem consuevit cibum sumere; nam inter ipsa principia quinto quoque gustabat die: cum ancillis suis diurnas ministerij vices obibat, quas in monasterio ut sorores habuit. Cognatos ad religiosam traxit vitam, ut cum ipsâ religiosè Deum colerent.



10. *S. Melania Junior.*

SS. CANDIDA ET GELASIA.

Ex Palladij
Laufricâ.

BEATA CANDIDA, Traiani ducis vxor, magna Christi nominis & cultrix egregia, castitate laudabilis, varijs Dei domum ijsque pretiosis decorabat ornamentis. Episcopos & omnem Christi clerum tanquam verbi Dei pracones, & Sacramentorum ministros pro dignitate venerabatur. Cum filiam suam instituisset in sorte virginitatis, eam pramisit ad Christum, donum suorum ilium; postea autem ipsa quoque temperantiâ, & castitate, & pecuniae dispersionibus filiam suam est insecuta. Interrogata, cur totâ nocte laboraret, & moleret, & oblationis panem manibus suis ipsa formaret; ad vires, inquit, corporis deprimendas: cum enim non sufficiat ieiunium, hanc ei do sociam laboriosam vigiliam, vt Esau dissoluam, eneruemque lasciuiam. Hæc ipsa ab omni carne semper abstinuit, pisces tamen & olera cum oleo festis tantum diebus sumere consueuerat. Per reliquum cui sui tempus oxycrato & sicco pane contenta vivebat. In hac vitæ asperitate cum beatâ requie obdormisset hæc mulier inclita, nunc fruitur bonis eternis quæ parata sunt ijs qui diligunt veritatem & faciunt iustitiam, & operibus bonis insudant.

Fructum quoque suæ exercitationis reliquit venerandam GELASIAM, quæ zelo huius bonæ semine, veritatis viam ingressa est, piè trahens iugum virginitatis. Huius optimæ hæc fertur virtus, quod sol nunquam occidit super eius iracundiam, non aduersus seruum, non aduersus ancillam, non aduersus aliquem alium. Hæc beata cum effugisset viam corû, qui sunt acceptæ iniuriæ memores, quæ fert ad mortem æternam, euasit hunc malum diaboli stimulum: & cum desideraret æternam peccatorum remissionem, remisit parua delicta, vt ipsa quoque inueniret maiorum remissionem.



17. SS. Candida et Gelasia.

S. SYNCLETICA.

Ex Vitis
Patrum.

SYNCLETICA miræ sanctitatis semina fuit, quam velut perfectissimæ vitæ formam S. Athanasius semineo sexui solebat præscribere, sicut Antonij vitam viris pro normâ viuendi proposuerat. Sed quia SYNCLETICÆ vitæ hodie non superest, referemus hic aliquot eius scitè dicta ex Vitis Patrum. Eos quibus in vitâ spirituali impedimenta à diabolo obijciebantur, hac similitudine animare solebat; Qui nauigare cœperint, primò pandentes vela prosperum ventum inueniunt, postea autem contrarius eis ventus occurrit. Sed nautæ non mox propter incursum contrarij venti, aut exonerant, aut deserunt nauim; sed paululum sustinentes aut pugnantes aduersus procellâ, iterum rectum cursum inueiunt: Ita ergo & nos in contrarium spiritum incurrentes, crucem pro velo erigamus, & sine periculo sæculi istius nauigium explicabimus. Interrogata, si perfectum bonum est, nihil habere, dixit: Sicut fortia vestimenta dum calcantur, & pedibus sæpiùs reuerfantur, lauantur atque incandidantur; ita fortis anima per voluntariam paupertatem amplius confirmatur. Solebat dicere ijs, qui ex impiâ vitâ ad sanctiorem se conferebant: Magnus labor est impiorum, qui conuertuntur ad Deum, & postea inenarrabile gaudium. Sicut enim qui igne accendere volunt, prius fumantur, & ex fumi molestiâ lacrymantur, sicque obtinent quod volunt (Etenim scriptum est: Deus noxter ignis consumens est; Ita oportet & nos diuinum ignem cum lacrymis atque laboribus in nobis ipsis accendere. Contra malas cogitationes hoc remedium suggererat: Sicut venenosa animalia acriora medicamenta à se expellunt, ita cogitationem sordidam ieiunium cum oratione depellit ab animâ.



is. Sancta Synclética.

S. OLYMPIAS VIRGO ET, VIDVA.

Ex Palladij
Lausiaca.

OLYMPIAS, pretiosum vas sancti Spiritus, Anyssij Secundi Comitis filia, neptis Ablauij praefecti, Nebridij sponsa, cui cum parentibus orbatam in matrimonium tradita esset, cum eo viginti mensibus in continentia vixit: eo mortuo ad secundas nuptias non transiit, sed virgo simul & vidua remansit, omne tempus transigens in ieiunijs, orationibus, & pauperum beneficentia. Itaque omnes opes suas in curam Christi Sacerdotum exhausit, praesertim in Sanctum Ioannem Chrysostomum, quem praecipue honorabat. Non vrbs, non rus, non solitudo mansit expers largitionum huius inclyta virginis, sed & ecclesijs suppeditauit ad donaria deputata sacrificio, & monasterijs, & caenobijs, & Xenotrophijs, custodijs, & relegatis, & (ut semel dicam) in omnem orbem terra dispersit eleemosynas. Humilitate superabat omnes: vita illi sine ulla inani gloria, species nequaquam ficta, benigni mores, facies non fucata, corpus florens, mens non gloriosa, animus ab arrogantia alienus, somni expers vigilia, charitas immensa, infinita continentia, in Deum spes aeterna. Vestimentis eius nihil vilius inueniri potuit, cum pannosis etiam indigna essent huius sancta tegumenta. Tanta autem erat eius mansuetudo, ut etiam puerorum longe superaret simplicitatem: vidisses fontem potius aestate sua deficere fluentem, quam huius tam sublimibus & Christum semper intuentibus oculis lacrymas deficere. Haec ergo non amplius quae mundi, quae carnis erant, sed quae Dei sunt, recogitans, pro Christi nomine contumeliam pati digna fuit, & sic ad Confessorum gloriam, pro veritate quam coluit, meruit peruenire. Nam talis in hoc mundo finis quoque vitae fuit. Omnibus ad postremum se periculis opposuit, & in his mortua beatam accepit gloriam, & in infinito saeculo coronata pompam agit, nulli interitui obnoxias cum sanctis in aeternum mansiones habitans, & bonorum operum à Christo Domino cum fiducia accipiens remunerationem.



ig. Sancta Olympias.

S. ALEXANDRA VIRGO.

Ex Palladij
Laufiacâ.

Ancilla Christi *ALEXANDRA*, cum propter eximiam formam pulchritudinem adolescens quidam, insano captus amore, eam deperiret, & illa constanter humanas nuptias recusaret, ut Christo multo suavius adherere posset; maluit se viuam includere monumento, quam adolescentis animam offendere, que ad imaginem Dei facta esset. Itaque relictâ ciuitate monumento se inclusit, & per foramen accepit quae corpori necessaria erant. Rogata, quomodo ferre posset cum nullo omnino colloqui, sed sola pugnare cum desideriâ & cogitationibus, respondit: A mane usque ad horam non amo, per horam lini fila duco, reliquis autem horis mente reuoluo vitam Sanctorum Patrum & Patriarcharum, & certamina beatorum Apostolorum, & Prophetarum & Martyrum, & adeorum imitationem caelestisque glorie palmam exardesco. Postquam autem aduentarit vespere, cum Dominum meum glorificauero, cibum capio. plurimas horas noctis perseverans in oratione. Tandem anno duodecimo, ex quo sepulchro inclusa fuerat, neque in virorum, neque in mulierum conspectum venerat, cum sub graui corporis labore die noctuque desudasset, totoque mentis desiderio ad caelestem patriam properaret, cuperetque dissolui & apparere ante faciem Christi Dei, cum admirando sanctitatis indicio ad Dominum lata migravit, seipsam componens. Nam cum virgo, quae eius curam gerebat, ei que necessaria subministrabat, ad eam accessisset, & illa non responderet, monumenti ostium amouit, & inuenit eam obdormisse. Inuisit aliquando *ALEXANDRAM* Melania Romana senior, sed (ut ipsa referebat) beata faciem intueri non potuit; sed stans circa foramen, omnem vitae eius rationem didicit, uti iam descripsimus.



20. *Sancta Alexandra.*

S. MAGNA VIRGO ET VIDVA.

Ex Palladij
Lausiaca.

FVERUNT in ciuitate Ancyra multe quidē alie virgines, nempe ad decem millia, duo autem vel plura, quae exercebantur & omni virtutis institutione militabant, omnesque temperantiae legibus clare & insignes semina, diuinum certamen studio exequentes. Inter quas principatum obtinebat in pietate MAGNA, honestissima femina & probissima: quam nescio quid sim nominaturus, virginemue, an Viduam; à matre enim vi viro coniuncta; eum tamen variis inescans dilationibus, & corporis morbos prae texens, à corruptionis vitio integra & intacta permansit: Cumque paulò post decessisset eius maritus, omnium simul facta est haeres vnica: & temporalibus deinceps commutans aeterna, totam seipsam Deo obtulit, summè curam gerens vita quae semper manet, suis famulis honestè imperans, agens vitam laboriosissimam & plenam temperantiâ: sub proposito ac vitâ monachorum, honestam propriae domus curam gerens. Cuius, quoties hoc ratio vel necessitatis postulasset causa, castus apud omnes & sermo & conspectus erat. In congressu tam seuera, ut ipsum eius aspectum reuererentur etiam excellentissimi Episcopi propter insignem pietatem & religionem. Atque ipsa quidem super uacaneam & nimiam opum materiam, possessionum vacuitatis igne consumpsit: quae autem super erant, ea constituit ad subministrationem monasterijs, ptochotrophijs, xenodochijs, ecclesijs, pauperibus, transeuntibus, Episcopis, orphanis, viduis, & omnibus egentibus suppeditans auxilium, non cessabat hilariter operari pietatem latenter & per se & per seruos fidelissimos, ab ecclesia nō recedens, noctu maximè: in omnibus in virtute se exercens, propter spem eius, quae verè est vita.



21. Sancta Magna.

Ex Theod.
Philotheo.

DIVINI Maronis vitam emulata DOMNINA admirabilis, in horto materna domus paruum quoddam fixerat tuguriū. Ei autem tugurium efficiebat panici stipula. Continuis lacrymis non solum rigabat genas, sed etiam vestimenta ex pilis: talibus enim indumentis tegebat corpus. Circa gallorum cantum ad diuinum templum, quod nō erat procul, vadens cum aliis & feminis & viris, vniuersorum Domino laudes offerebat. Hoc autem faciebat non solum die incipiente, sed etiam desinente, quouis alio locum Deo consecratū magis esse venerandum censens. Eā de causā & eius magnam curam habuit, & matri fratribusque persuasit, vt facultates suas ad decorem domus Dei consumerent. Lens madesacta nutrimentū ei erat; & omnē hunc laborem sustinuit, cū esset planē exsiccato corpore & semimortuo. Pellis subtilissima, & quæ erat instar membranae, ossibus vix hærentibus circumiecta erat. Proponebatur omnibus eam videre volentibus: sed neque vultus aspexit, neque aliis vultum suum videndum exhibuit; nempe quæ amictu penitus contecta & vsque ad genua incuruata erat. Voce gracili & non expressā satis loquebatur, sed nunquam sine lacrymis. Vehemens enim amor in Deum illas parit lacrymas, pungit aculeis & vrget ad eum, qui est hinc futurus, excessum. Cū quodam tempore eam Theodoretus Episcopus inuideret, sumebat eius manum dexteram, & oculis imponebat: quam adeo madesactam dimittebat, vt ex ipsa manu distillarent lacrymae. Porro quamuis in his diu noctuque versaretur, non ideo contempsit alios virtutum actus, sed pro viribus curabat Athletas Christi, monachis necessaria suppeditabat, vt eorum precibus obtineret æterna. Ita non suis tantum orationibus celum penetrabat, sed scalas quoque erexit ex suis facultatibus, quò expeditior ad celum pateret aditus.



22. Sancta Domnina.

SS. MARANA ET CYRA.

Ex Theod.
Philotheo.

FVIT his patria Berboea, patriæ genus insigne, educatio generi conueniens. Sed his omnibus contemptis, cum exiguum quendam locum ante urbem comprehendissent, & intrassent, luto & lapidibus ostium obstruxere. Famulas autem, quæ eiusdem vitæ volebant esse participes, exstructo extra ambitum habitaculo, iusserunt in illo habitare: ipse verò cum neque domum nec tugurium haberent, sub dio suâ sponte vitam agunt. Pro ianuâ erat eis parua quedam fenestra, per quam alimenta susciperent, & cum ijs quæ veniebant colloquerentur mulieribus. Huic sacre confabulationi tempus definitum erat Pentecostes, alio autem tempore vitam amplectebantur quietam. Ferrum gestabant & tantum onus, ut CYRA, cui corpus erat imbecillius, ad terram usque incuruaretur, & corpus minimè posset erigere. Habebant autem vela maxima, ut retrò ad terram fluere & pedes contegerent, anteriùs autem usque ad ipsam zonam demitterentur, vultum simul & collum, & manus penitus occultantia. Hoc modo autem vixere, non quinque solum vel decem solis transactis annis, sed quadraginta duobus. Et cum tanto tempore decertassent, tanquam quæ nuper certare cæpissent, sudoribus gaudebāt: eā de causa iniurias aëris patienter excipiunt. Diuini Moysis æmulate ieiunium, ter tanto tempore in ediam sustinuerunt: ter quoque Danielis à cibo abstinentiam secutæ, tres dierum hebdomadas abstinebant. Ierosolymam profectæ nihil cibi in viâ sumunt: sed adorato Domino refectæ sunt; rursus à ieiunis confectum est iter, & reuersæ sunt. Peregrinantes ad S. Teclam, ibant & redibant ieiunæ. Atque eæ quidem quæ tali vita instituto femineum genus exornauere, ut quæ alijs fuerint exemplaria, modo coronantur à Domino,



SS. Marana et Cyra.

23.

S. SYLVIA VIRGO.

Ex Palladij
Laufiacâ.

BEATA SYLVIA Virgo, soror fuit Ruffini ex præfæcti. Hæc cum nauigaret ab Æliâ in Ægyptum, habebat in comitatu suo Iubinum diaconum, virum pium & eruditum. Cum autem vehementissimus eos æstus inuasisset, & peruenissent Pelusium, accidit ut Iubinus acceptâ pelui, pedes & manus lauaret aquâ frigidissimâ, & postquam lauisset, super pelliculam humi stratam requiesceret. Cum autem illa aduertisset, ut mater sapiens, germani filij eius increpauit mollitiem, dicens: Quâ in animum inducis, illam agens ætatem, viuentem adhuc tuo sanguine, usque adeo tuam fouere carunculam, non sentiens damna, quæ ex eâ oriuntur? Confide, confide: ecce ego agens annum ætatis sexagesimum, præter extrema manuum mearum, nihil unquam laui; non pes meus aquam tetigit, non vultus, neque vllum ex membris meis, etiamsi me varia inuaserint ægritudines. & cum à medicis cogere uti balneo, non induxi in animum carni reddere debitum, non in lecto quiescens, non lecticâ usquam gestata ingrediens. Hæc cum esset doctissima, doctrinam amore complexa, noctes mutabat in diem, omnia antiquorum qui commentarios ediderunt, scripta percurrrens, Gregorij, & Stephanij, & Pierij, & Basilij, & quorundam aliorum præstantis virtutis virorum, vigin-tiquinque myriadum: non leuiter nec temere hæc percurrrens, sed elaboratè, septies vel octies, vnumquemque librum perlegens; ut horum verborum gratiâ, in altum erigeretur. spe bonâ seipsam, auem efficiens spiritualem, & ad Christum euolans, immortales ab ipso acceptura renumerationes.



24. *Sancta Sylvia.*



S. SARA VIRGO.

Ex Viris
Patrum.


ABBATISSA beatae memoriae Virgo SARA, vitam eremiticam transegit in Aegypto, temporibus Imperatoris Theodosij senioris, in vastissimâ Scetes eremo, ubi Deo Angelisque nota, saeculo ignota vixit. Unde pauca de eius vita perscripta sunt. Quod de eâ sequitur Vita Patrum nobis exhibent. Adeo studiosè oculos suos custodisse dicitur, ut supra alveum fluminis sexaginta annis habitauerit, & nunquâ inclinata sit ut flumen ipsum aspiceret. Cum tredecim annis ab impugnationibus demonum fortiter impugnaretur, nunquam oravit ut recederet à se huiusmodi pugna, sed solum hoc dicebat: Domine, da mihi fortitudinem. Cum aliquando ei infestior esset, imminens fortius, idem fornicationis demon, mittens in cogitationem eius saeculi vanitates, illa non relaxans animum à timore Dei & à proposito abstinence suae, adscendit super lectulum suum orare: & apparuit ei corporaliter spiritus fornicationis, & dixit ei: Tu me viciisti, SARA. Illa autem respondit: Ego non te vici, sed Dominus meus Iesus Christus. Venerunt aliquando duo senes de partibus Pelusij ad Abbatissam SARAM. Et cum ambularent, dicebant ad invicem: Humiliemus vetulam istam. Et dicunt ei: Vide, ne extollatur animus tuus, & dicas: Quia ecce solitarij viri veniunt ad me, quae mulier sum. Et dixit eis Abbatissa SARA: Sexu quidem mulier sum, sed non animo. Iterum dixit Abbatissa SARA: Si poposcero à Deo, ut omnes homines adificentur in me, iuvenior ante ianuas singulorum poenitentiam agens: sed magis oro, ut cor meum cum omnibus purum sit.






25. *Sancta Sara.*







met bronzen beelden en ander beelden.

dedigd. De nationa

